


# TIISO YA MODIMO

 ...-seletso, ya mokgwa wa sekgale-kgale feela eo re bileng le yona dilemong tse ngata tse fetileng, mme re e lebohela haholo. Mme ke ananela mmimo wona o tlatseletsang, mmimo wohle, le tsena tse ikgethang. “Ke tsamaile maele wa ho qetela wa tsela; ho phomola ha tsatsi le phethela.” Ke hona moo, mohlomong, ho dula mona feela, ha ba ntse ba e bina, ho sheba ka ntle le ho bona letsatsi le dikela; dinonyana tsohle di binela tlase le hasesane, tsohle di batla di fetile jwale mme di kene phomolong, ho tsoha tsatsing le letjha hosane hoseng.

<sup>2</sup> Mme ho jwalo le ka bophelo; matsatsi a mosebetsi a feta kapele, mme re robala hodima dikoutjhu tsa rona. Ke rata ho qoqa le Yena tsatsing leo, ho qoqa le Yena feela. Ho itshopha ka diaparo tsa ka, le ho kena phaposing.

<sup>3</sup> Ka ho tseba sena, jwaloka ha Mohalaledi Pauluse wa kgale a boletse, “Ke Mo tseba ka Matla a tsoho ya Hae.” Hore, mohla A bitsang hara bafu, ke tle ke bitswe le bona. “Ho Mo tseba ka Matla a tsoho ya Hae.” E seng ho Mo tseba ka polelo kapa ka ketso, empa ho Mo tseba ka Matla a tsoho ya Hae. Ke e nngwe ya rona—rona tshepo ya rona e kgolo bosiuang bona, le yona feela tshepo eo re nang le yona, e ho . . . tsohong e kgolo eo ya Morena wa rona Jesu; le selelekela sa tsoho ya rona eo re nang le yona jwale, ho tloha lefung ho kena Bophelong, ka ho ba le Bophelong bo sa Feleng ka Jesu Krete.

<sup>4</sup> Ho lebella, le ka tebello e kganyang, ya popo yohle, ho fihlela tsatsi leo A tla tla ka lona kgetlo la bobedi, ho theoha Lehodimong, Eo Modimo a tla mo romela ka nako e tshwanelang. Mme mebele ena e shwang, eo re fehewang ka hara yona jwale, e tla apara ho se bole, “Mme re tla fetolwa le ho boptjwa jwaloka mmele wa Hae ka Sebele o kganyang, hoba re tla Mmona kamoo A leng kateng.”

Sebe le maswabi, sebe le lefu tsa fatshe le  
lefifi lena di tla fela,  
Pusong e kganyang le Jesu ya lemo tse sekete  
tsa kgotso.

<sup>5</sup> Dinonyana di lebeletse hoo. Difate di lebeletse hoo. Popo yohle e kobame mme ea lla, mme e lebeletse nako eo, ho fehellwa ho apeswa.

<sup>6</sup> Ngwanana wa ka, nakwana e fetileng, o mpotsitse potso. A re, “Ntate, lefatshe lena le ne le le jwang hoba Modimo a qete ka lona?”

7 Ka re, “Le ne le le letle, moratuwa. Le ne le le letle.” Mme ka re, “Le tla boela le eba jwalo tsatsi le leng, mohla thohako e tloswang. Mme re tla...Le tla tshwana le tshimolohong, paradise e kgolo ya Modimo.”

8 Jwale, ho ikakgela hantle mosebetsing. Ke ne ke nahanne jwale, bosiu ba pele... Bona ke bosiu ba boraro ba tsosetso ya rona e nyenyane. Mme ha re eso tshware letsholo la phodiso. E mpa e le ho iketla feela, ho hlalosa maikutlo a rona feela, le ho ruta Evangedi ka mokgwa wa sekgale-kgale; yona Evangedi eo ke e rutileng mona, dilemo tse ngata, ngata tse fetileng, ha eso fetohe le hanyenyane. Ke hantle, yona Evangedi e tshwanang, ntle le ho ntjhafatsa ha nyenyane kapa ho bentsha; yona feela Evangedi e tshwanang.

9 Ka ntle kwana ditshebeletsong, ka ho kenyeletsa borapedi bo bongata, ka baka la ho kena dioditoriamong le borapedi bo bongata bo fapaneng ba diphutheho ba batho ba phuthehang, o batla o ikgina Thutong; tsohle haese phodisong ya Kgalalelo, mme, ehlile, ho amohela Morena Jesu. Empa ha o le lapeng la hao, jwaloka kereke ya lehae mona, o ikutlwa ho qhwaolla lepetu la heme ya hao, le ho rera feela seo o hopolang se nepahetse, mme ke yona.

10 Mme hangata, ka mona, re fumana, hangata, batho ba hanyetsa. Re ke ke ra lebella motho mang le mang ho dumellana le rona ka Dithuto tsa kereke ya rona le ka dintho tseo re nang le tsona. Empa mohlomong le rona re ka itshwanela, jwalokaha modisa wa lona a ne a rera, empa e ne e tla nne ebe moena wa ka. O se ke wa e tlodisa mahlo. Mme e mong le e mong o sheba dintho ka kgopolo tse fapaneng.

11 Mme vekeng ena, ka ho bona ke tlamehile ho phumula veke Canada, ka baka la sekgohola sa lehlwa, kgele, e mphile monyetla wa ho tla kwano tabernakeleng tsosetso ya masiu a mmalwa, eo ke e tshepisiseng ho tloheng ha ka. Mme ka tsebisa, hore ho ne ho se... “e seng tshebeletso ya phodiso; ho rera Evangedi feela.” Feela...Mme tabeng ena, ka ho fumana, ka hopola mohlomong re ka nka masiu a mmalwa mabapi le Mengwaha e Supileng ya Kereke. Hoba ruri ke nahana re phela mongwaheng wa ho qetela wa kereke, tsatsi la ho qetela, pejana ho ho Kgutla ha Morena Jesu.

12 Ka mehla ke leka ho ipea sekaleng, kerekana mona, hohle moo ke nnileng ka bua, hoba Morena ya lokileng wa Lehodimo o mphile tshebeletso yona, le hona, e ka lehlakoreng le mohlolo, kamoo le utlwisang. Mme batho ba itshwarella lentsweng la hao, mme—mme ka hona ke—ke lokela ho hlokomela ruri mantswe ao ke a buang. Hobane, ha Moya o Halalalang o abile matla ana a pono le temoho, e leng taba e sa belaetseng, mme ba o utlwa o bua, ba nahana o ena le mohopolo wa seo o buang ka sona, kapa Modimo a ke ke a

hlohonolofatsa phoso le ho e ntsha ka tsela eo. Le a bona? Ka baka leo o loketse ho ela hloko ruri, le ho e lekanya ka lesedi la Lentswe, ka nako tsohle. Mme tabeng eo, ha nka etsa phoso, ke rapela Modimo ho ntshwarela, hoba ha kea ikemisetsa jwalo. Mme ke . . .

<sup>13</sup> Mme nako efe feela, thutong, haholo dihloohong tse tebileng tsena re tshwaraneng le tsona jwale, le maobane ka *Letshwao La Sebata*, le ka dihlooho tse kang tseo, le bosiuung bona ka *Tiiso Ya Modimo*, letshwao la Modimo, le jwalo-jwalo ka mokgwa oo, ke ikutlwa eka mohlomong, nka fumana ba bangata ba hanyetsang taba ena, ka seo ke se rutang mono. Empa ke leka ho e sebetsa feela kamoo . . . ke sa E lebise kerekeng efe, bodumeding bofe, kapa mothong ofe, ho hang. Modimo o tseba seo. Haese ka Lesedi leo ke e bonang ka lona, ke e bua jwalo.

<sup>14</sup> Mme ha ho kereke e bitsang Lebitso la Morena Jesu eo ke sa e rateng. Ha ho motho ya ka bitsang Lebitso la Hae, kapa a Mo hlompha, nke keng ka ba shwela ho ba etsetsa letho. Ke hantle. Ho sa tsotelehe ba jere kgatiso ya bodumedi bofe, ekaba Methodise, Baptise, Katoloke, seo e ka bang sona, e ke ke ya etsa tabana ho nna. Ke hantle. Ha feela ba hlompha Morena wa ka.

<sup>15</sup> Empa, jwale, Moralo o beilwe. Mme jwale kereke ka nngwe e a ruta, mohlomong, seo thutamodimo ya bona ya kereke eo e leng sona, e dumela hobane e itshetlehile hodima Moralo. Be, jwale, ha ngata, ka ho bona dintho tseo, hore ha di jwaloka ha ke bala Moralo, ka hona ke na le tokelo kerekeng ya ka ho bea seo ke nahanang se lokile.

<sup>16</sup> Hase kgale mona, rakontraka . . . Ke ne ke le Milltown, kerekeng ya Milltown Baptise, re tshwere tsosetso. Mme Moena Wright mme lona bohle, kea kgolwa, le hopola Marion Lee. [Moena George Wright o re, “Amen.” —Mong] Mme a kgopilwe ke seo ke se rutileng ka kolobetso ya metsi. Be, a ikela hae, mme a kgopisitswe ke yona. Mme e le rakontraka.

<sup>17</sup> Bosiuung boo a lora toro. Morena a mmontsha a haha ntlo, mme a loketse ho kenya fesetere e kgohlelang ka hara kou. Mme ho ena le ho kenya fesetere e kgohlelang ka hara kou, a haha mathule feela, ho re, “Ho tla itokela.” Ka baka leo yare ha mong’a ntlo a fihla, ho re, “E qhaqholle ho fihla motheong; e qale botjha.”

<sup>18</sup> Ka hona a ile a rutwa ntho e fapaneng le eo Bibe le rutileng, ka hona a re, “Nka mpa ka heletsa motheo le ho e haha botjha.” Ka ya hae le yena bosiu boo, ho qeta bosiu bohle lapeng la hae. Ka hona ra . . .

<sup>19</sup> Ke nnete. O tlamehile ho bewa. Mme, ka ho ruta dihlooho tsena, ha ke moruti. Empa seo ke se tsebang ka Lona, ke rata ho Se hlalose tsena ba bang, le ho qoqa ka Lentswe, Moya o Halalalang o sa ntse o e netefaletsa pelo tsa rona. Mme ka hona re natefelwa haholo ho e etsa.

<sup>20</sup> Mme e mpa e le ho phomotsa modisa wa rona ya ratehang mona, Moena Neville. Ha ho ena le baeti menyakong ya rona; monna, *mona*, ke modisa wa rona, Moena Neville, monna wa Modimo, mohlanka wa sebele wa Morena Jesu Krete. Ha ke rialo kahobane a dutse mona. Ke e bua le ka mokokotlong wa hae, kapa hohle, esale a le jwalo ho tloha ke mo tsebile. E ne e le moMethodise wa makoma, mme nna ke le moBaptise wa makoma, empa re ne re le baena mmoho, mme bobedi re mpile ra fetoha bahalaledi ba thethehang. Ho lokile, ha ke re, moena? Amen. [Moena Neville o re, “Amen. Allelua!” —Mong.] Ka hona re eme hodima mobu o le mong.

<sup>21</sup> Be, rona, re hlile re thabile ka mokgwa wona, “Ho kena kopanong ya setswalle le e mong le e mong wa rona, ha Madi a Jesu Krete, Mora Modimo, a ntse a re hlwekisa bokgopo bohle.” Ka baka leo re kene monyakeng o moholo, mme ruri re ananela baeti ba menyakong ya rona, bosiuong bona, mona.

<sup>22</sup> Tsosetso ya rona e nyenyane, kea kgolwa le ipotsa hobaneng e sa phatlalatswa. Be, e ne e mpa e le nakwana ya jubile kerekeng ya rona mona, mme ke baka leo mohlomong re. . . Ha ke tsebe kamoo Moya o Halalalang o tla etella pele, empa mohlomong bosiu bo bong, pele re kwala mona, re ka tshwara tshebetso ya phodiso, ha Morena a rata. Mme ka hona ke a tshepa O tla aba hoo.

<sup>23</sup> Ke lokela ho kgutlela Canada jwale, ho tswella ditsoeletso. Mme jwaloka ha bohle ba tseba, re tshwere letoto le boima, le tletse ho fihla mohla re tshelalang mose ho mawatle. Mme ditlhophisodi se di entswe, ho qala Durban, Borwa . . . mane Johannesburg, Afrika Borwa, ka Lwetse, mohlomong ka la tharo. Mme re ntso tloha moo ho ya Durban; le India; le Palestina; le Luxemburg; le Frankfurt; le Transjordan; le hohle mona. Ho kgutlela hae ha Morena a tataisa ho kgutla, mohla A re jwetsang ho kgutla. Mme hape ba hlophisa maeto a mang a New Zealand le Australia, le hohle tlase mono; le kwana botjhabela, ho ya Japane, le dinaheng tseo mono.

<sup>24</sup> Ke na le maikutlo a hore dikereke tse ngata tikolohong ena, moo batho, oh, kgidi, di nkelana, maloko, mme, hape, dikete tsa batho ha di eso utlwe ka Jesu kgetlo la pele. Mme ka hona ke utlwa hore. . . Ke maikutlo a ka, ka bonna, ke tshwanelo yaka ho ba isetsa Molaetsa, ka bokgoni boo ke bo kgonang. Mme jwale ereka ha ke. . .

<sup>25</sup> Ere ke bue hape jwale, hoba, mona ho dutse, Methodise, Baptise, Katolike, Presbeteriene, Pentekosta, Pilgrim Holiness, Nazarene, ba dutse, mme ke seo re entsweng ka. . . Ke dumela Lehodimo le tla ba jwalo, mohlomong, sehlopha sohle sa rona ba dutseng mono.

<sup>26</sup> Mme jwale melaetseng ena, e kang *Letshwao La Sebata*, mme kajeno hodima ho ena le pherekano e kana. . . Na le e

utlwisisitse, bosiu ba maobane? Ha le fela le kgonne, e reng, “Amen.” [Phutheho e re, “Amen.” —Mong.] Jwale re tla bua bosiu bona ka letshwao la Modimo, kapa, *Tiiso Ya Modimo*. Jwale re a elellwa . . .

<sup>27</sup> Jwale, ha ke leke feela ho rera ka Bibehe tse pedi; e le nngwe e lekane. Empa e nngwe mona ke e nketse morero wa dintlha, le jwalo-jwalo, ho lebisa teng, ha motho a ka tshoha a botsa potso. Mme jwale, hosane bosiu, ha Morena a rata, hoba ho rerwe . . .

<sup>28</sup> Bosiu ba pele, ka *Mengwaha E Supileng Ya Kereke* moo re ne re le teng, re leng teng, madulong, tsatsing leo re phelang ho lona.

<sup>29</sup> Bosiu bo fetileng, ka senokwane se seholo ka ho fetisa se leng teng lefatsheng, *Letshwao La Sebata*.

<sup>30</sup> Mme, bosiu bona, ka lehlohonolo le lehlo ka ho fetisa le leng teng lefatsheng, *Tiiso Ya Modimo*.

<sup>31</sup> Hosane bosiu, ke tla le fa monyetla wa ho nthunya, jwale. Hosane bosiu ke dipotso, le dintho tseo le sa kang la di utlwisisa ka se rerilweng. Le bile banna le mafumahadi ho lekana, kapa Bakreste ka ho lekana, nka rialo, ho ikgutsetsa kgabareng ya ditshebeletso. Ke le batla le ngole, hosane bosiu ha le tla kerekeng, mme le tle phakela ka moo le ka kgonang, hoba ke tla lokela ho tla phakela ho bala le ho arabela jwalo, kaha seo potso ya hao e leng sona malebana le Lengolo.

Ebe Sontaha hoseng ke sekolo sa Sontaha se tlwaelehileng.

<sup>32</sup> Sontaha mantsiboya, mohlomong Sontaha mantsiboya, ke tshebeletso ya kolobetsa. Ho tla kolobetswa batho ba mmalwa. Mme ere Sontaha bosiu, mohlomong, re tshware molaetsa wa Evangedi kapa tshebeletso ya phodiso. Re tla bona seo Morena a tla tataisetsa ho sona bosiu boo, bakeng bosiu ba Sontaha, molaetsa o mabapi le hoo.

<sup>33</sup> Jwale re fumana, pele re atamela sena, hore, “Ha ho motho Lehodimong, ha ho motho lefatsheng, kapa ha ho motho ka tlase ho lefatsho, ya neng a ena le tokelo ya ho nka Buka, kapa ho E bula, kapa ho manolla Ditiiso tsa yona.” “Ha ho motho!” Johanne o e bone ho Tshenolo. Mme re ruta ka Ditshenolo jwale. “Mme Johanne a lla. Empa ha ba le Konyana e hlabilweng, esale lefatsho le thewa; E ne e-na le tokelo ya ho tla le ho nka Buka letsohong le letona la Ya dutseng Teroneng, le ho bula Buka, le ho manolla Ditiiso tsa yona.” Mme Konyana eo, ehlile, e ne e le Jesu Krete, Mora Modimo. Mme jwale efela ha e le Yena feela a Nnotsi ya nang le tokelo . . .

<sup>34</sup> O phetse le rona hang mona, lefatsheng, ka sebopeho sa Monna. Modimo wa phela ka ho Mora wa Wona, Krete Jesu, e le Modimo-Monna.

<sup>35</sup> Mme A kgutlela Kganyeng, ho siya Lentswe lena, “Ho se ho se ho kae mme lefatshe ha le sa tla Mpona. Empa, lona le tla Mpona, hoba Ke tla ba le lona, le ka ho lona, ho isa bofelong ba lefatshe.” Botho ba Moya o Halalelang, Modimo, ho kgutla ka sebopeho A . . . Jesu o itse, “Ke tswa ho Modimo; Ke kgutlela ho Modimo.” O tswile bo sa Feleng, a hata a rothela nakong; a tswa nakong, ho kgutlela bo sa Feleng.

<sup>36</sup> Mme lefatshe ha lea ka la Mo tseba. “O ne a le lefatsheng, lefatshe le entswe ke Yena, mme lefatshe ha lea ka la Mo tseba. Empa ba Mo amohetseng, ba . . . ba filwe matla a ho ba bara ba Modimo.”

<sup>37</sup> Mme, jwale, jwale Jesu Krete o na le rona, “Ho se ho se ho kae mme lefatshe ha le sa tla Mpona, empa lona le tla Mpona.” Jwale ho tla ba le lefatshe le sa Mmoneng, mme ho tla ba le “ya” ya bonang. “Hobane Nna. . .” “Nna” ke leemedi la motho. “Ke tla ba le lona, le ka ho lona, ho isa bofelong ba lefatshe.” Mme wena, modumedi, o tla Mmona ho isa kwana bofelong ba lefatshe.

<sup>38</sup> Baheberu 13:8, e itse, “Jesu Krete maobane, kajeno, le ka ho sa feleng.” Mo shebe Matleng a Hae, Morena Jesu ya tshwanang, lerato le tshwanang, mehlolo e tshwanang, tsona dipontsho tse Mo teetseng hare, ho theoha jwalo. O ka hara Mmele wa sephiri jwale, Mmele wa ba tsohileng, ho tloha sebeng ho ya Bophelong. O phela ka ho bona.

<sup>39</sup> Modimo Kganyeng ya Wona e kgolo, Modimo o theohang, ho tswa Topallong ya Mollo, ho se motho ya ka amang, ho kena sebopehong sa nama ya motho moo a neng a ka ama, empa A tswetswe ke morwetsana. Yaba, ka ntle mono, o nehela bophelo ba Hae ho thakgiswa, ho hlwekisa motho ya tletseng sebe, mme O ne a ka kgona ho phela hara batho hantle. Ke lerato le le kakang leo Modimo a le neileng motho, haele moo A Iphuthulotse a theoha, ho betla tsela e hlwekileng A tle a phele le ho rata hara banna le basadi. Ho a babatseha. E. Ke Ntata rona eo.

<sup>40</sup> A re bueng le Yena jwale, Mongodi wa Buka, pele re phetla maqephe.

<sup>41</sup> Ntata rona ya Mahodimong ya mosa, re tla ho Wena, bosiuung bona, kamoo a re tshepisiseng, “Ha le Nkopa taba ka Lebitso la Ka, Ke tla le etsa.” Ka baka leo ha re na ho loka, ha re na letho leo re ka le nyehelang, re mpa re tla ka Lebitso la Morena Jesu, ka ho tseba hoba O tshepisitse ho utlwa ka Lebitso la Hae.

<sup>42</sup> Re ntoo O kopa, re ntse re tseba hobane mona re tshwarane, bosiuung bona le mohopolo, se seng sa dihlooho tse tswileng ka mahetla tsa letsatsi, *Tiso Ya Modimo*. Ntate, re a rapela, Morena, re ntse re tseba hobane sehlotshwana sena sa batho ba phuthehetseng mona, ha nka ba kgelosa, ke tla

arabela hona ka Tsatsi la Kahlolo. Mme bosiu ba maobane, ka, *Letshwao La Sebata*. Oho Ntate, re O kopa ho tataisa le ho tsamaisa Mantswe ao. Le se ke La kgutla le le feela, empa Le ke phethe seo Le se baletsweng mohla Le ne le ngolwa Bukeng.

<sup>43</sup> Mme jwale tloo, Wena Mokgethwa, ntsha Lentswe la Modimo Bibeleng, Le bue ka melomo e shwang, ho ya ditsebeng tse shwang, le ho bolotsa puo le kutlo mmoho, re tle re fihlele ho hong ka ho phutheha hona mmoho, bosiu bona; re ntse re tseba hobane ho ka ba le ba bang mona, ha lefatshe le ka ema selemo se seng hape, ba ke keng ba hlola eba batho ba shwang lefatsheng.

<sup>44</sup> Mme jwale re ka tlung ya tokiso, ka tlung ya Modimo, moo re lokelang ho emela tokiso. Mme Moya o Halalelang o ke o ntokise, le ho thiba molomo wa ka, jwaloka ha O entse ka molomo wa tau, e nang le Daniele. Mme Wena o tseba pelo ya ka, ha nka bua lentswe le le leng kgahlano kapa ka bonna. Moya o Halalelang o ke o omele Lentswe ka leng. Ho ema feela jwaloka lefiso le lephaka; mme A ke a bua Lentswe la Modimo, bosiu bona, hoba dipelo tsa rona tse lapileng di labalabela ho utlwa ho Yena. Mme Yena, Ya ngotseng Bibehe, a tle a Le tolokele bahlanka ba Hao ba ithobileng mona. Re kopa ka Lebitso Jesu. Amen.

<sup>45</sup> Jwale bakeng sa motheo o monyenyanen feela, ho qala bosiu bona, ka, *Tiiso Ya Modimo*.

<sup>46</sup> Le se le bale, hosane bosiu, re le batla le tlise dipotso tsa bona. Le ho e ngola ka ho hlaka, le ho e bea hodima kalana, ka nako, kapa sefaleng, hoseng kamoo le kgonang. Jwale sehlooho se seholo sena seo re ne re se tshwere bosiu ba maobane . . .

<sup>47</sup> Bosiu ba pele, pele ho ba maobane, e ne e le Kereke le mongwaha wa kereke, ka moo re boneng Jesu a eme hara Dikandelare tse Supileng tsa Gauta, a le jwaloka jaspere le lejwe la sardone, qalo le qetelo, Rubene le Benjamine. Ho bona dikandelare tse supileng, kapa ditshwari tsa mabone a supileng di eme, le mookodi hodima yona, jwaloka selekane, le kamoo A hlalileng kateng. Mme Lentswe la Hae e le Lentswe la metsi a mangata, Krete le Kereke mmoho, ba bua mmoho; senyepa se tlamile karolo ya sefuba sa Kereke, se kgurumeditse, ho tshwara, Evangedi e tshwereletse ho loka ha Krete hodima Kereke. Ho ema hodima motheo wa koporo, kahlolo e Halalelang; Modimo o ile wa tshollela kahlolo ya Wona e Halalelang hodima Krete, mme A utlwiswa bohloko, ya se nang molato bakeng sa ba molato.

<sup>48</sup> Hape, ho bona kamoo e qadileng ka kereke ya Efese; e ntoo ba mongwaha wa kereke ya bobedi; mongwaha wa kereke ya boraro; mongwaha wa kereke ya bone, dilemo tse sekete le makgolo a mahlano tsa mongwaha e lefifi; ho tswa ho haola le Mongwaha wa Luthere; le Mongwaha wa Filadelfia; le ho tswa ho kena Mongwaheng wa Laodisea, mongwaha wa ho qetela.

<sup>49</sup> Ho bona ka Testamenteng ya Kgale, kamoo ba ne ba bapisitswe tshimolohong, ho Salomone, ho haola jwalo tlase mehlang ya Akabe, mongwaha o lefifi. Le ho fumana hobane, jwaloka Jesebele, Akabe, moreri wa moeding, kapa monna wa ka-lejweng-ka-thupeng. Hantle jwaloka bohola ba ditho tsa kereke e fofo kajeno, batho, ka-lejweng-ka-thupeng; ka kerekeng kajeno, hosane o ka ba lebella hohle; ba qeka, ba lahletse marapo, ba ipapisitse le lefatshe, leha ba ntse ba ipitsa Bakreste. Mme Akabe, maemong ao, a kgahlwa ke mosajana e motle, leha kwana ka bokgopo bohle. Le ho mo nyala, le ho kenya medimo ya bohata Iseraeleng, hantle nakong e lefifi-fifi ya Iseraele, mongwaha o lefifi. Jwale, re fumana hobane ba tswile mono ka kemo ya koporo, le ho tswela ntle, mme qetellong fofo, tlase ho fihlela Modimo a ba hlatsa molomong wa Hae le ho amohela Baditjhaba.

<sup>50</sup> Mme jwale re ba fumana ba qadile ho wa pele, e—e Kereke ya Efese, tshimolohong, mongwaheng wa kereke; mongwaha o latelang wa kereke wa qalella ho phola le ho ba fofo; ho tswela pele ho kena, le mongwaha o lefifi. Mme jwaloka—jwaloka tsatsing leo, Akabe ya nyalang mosebeletsi wa medimo, Jesebele, mme a kenya Iseraele tshebeletsong ya medimo; le mohlang oo Boprotestanta ba nyalwa ke Boroma, Bokatolike, mme ba kenya tshebeletso ya medimo kerekeng. Ho tla ka Martin Luther; tlase ho haola ka John Wesley; ho kena kwana ho Pentekosta; le ho tswa, esita le ho hlatswa molomong wa Modimo; mme Modimo o tla boela o e kgutlisetsa ho Mojuda, ka ho phethahala ha kalo.

<sup>51</sup> Jwale, kea tseba ke . . . O re, jwale, ke motho ya bapisang. Ke hantle. Hobane, kea tseba, ke tseba ntho e le nngwe, ha ke tloha ke tobile seriti sa ka mme ke bona kamoo seriti sa ka se leng kateng, ke na le mohopolo wa kamoo ke shebehang kateng; hore na ke phoofolo e maoto-mane, kapa nonyana e ditshiba, kapa seo e ka bang sona, e tla akga seriti.

<sup>52</sup> Mme Testamente ya Kgale e ne e le seriti sa e Ntjha. Re ne re tshwarane le yona bosiuang bo fetileng, ho Ditshenolo 12, mosadi ka molao maotong a hae, kgwedi le letsatsi di le hloohong ya hae, mme e le papiso. Kamoo, dintho tseo tsohle, Baheberu kgaolo ya 11 e re bolellang, tsohle e ne e le dipapiso le diriti. Kea kgolwa, Baheberu 12, e itse yena, “Erekaha re teetswe hare ke leruhadi la dipaki, ha re beelleng kathoko boima bohle, le sebe se re tshwasang feela, re tle re mathe ka mamello lephallong le beilweng ka pela rona.” Jwale, re bona dintho tseo. Yaba mantsiboya a fetileng . . .

<sup>53</sup> Ra boela ra qotsa morao mona, ho fumana, kapa—kapa, maoba mantsiboya. Ra fumana, hore, kereke ya pele, ka moo e qadileng kateng. E ne e hlomamiswe le ho qala ka Letsatsi la Pentekosta, moo Moya o Halalelang o ileng wa tshollelwa



hodima badumedi. Mme re bone boitshwaro ba badumedi bana, le ka moo O ileng wa itshwara kateng hodima bona, le seo ba se entseng, le mehlolo le meeka e ba teetseng hare.

<sup>54</sup> Ra ntoo fumana, mathethong a mongwaha oo wa kereke, dilemong tse ka bang makgolo a mararo, ba tsosa thuto ya bohata hara bona, e bitswang, “thuto ya—ya Banikola.” Re ntoo fumana, hobane e ne e le “diketso,” le ho qaleng.

Mongwaheng o hlahlamang wa kereke, ya fetoha “thuto.”

Mme ya ntoo fetoha “tlatlapo,” mongwaheng o lefifi.

<sup>55</sup> Le ho tswa ka lehlakoreng le leng, ka mona, le ho fumana hobane e qhotsitswe hantle le dikereke tsa Protestanta tse ileng tsa tswa.

<sup>56</sup> Ebe re kgutlela morao hape le ho fumana kamoo bofofo bohle bo tshelletseng ka kwano pheletsong ya mongwaha, ka lehlakoreng *lena*, kamoo yohle e pholang kateng. Jwaloka ha e entse tlasa Bajuda, e etsa jwalo le tlasa Baditjhaba; ho phola ha e ntse eya ka *mona*, seriti, ho rothofala.

<sup>57</sup> Jwalo feela kaha ho etsahetse, mehla ya Wesele, mme re kentse ntho eo maobane bosiu, le Luthere. Kamoo le ileng la fumana tsoseletso e kgolo, empa, kgetlo le latelang, ya qala ya phola. Kgetlo le latelang, ya phola ho feta. Mme jwale ke sehlopha sa ditumelwana le dibopeho. Ke phetho se leng teng. Le a bona? Mme ha esale ho le jwalo. Ka baka leo re rutwa taba eo.

<sup>58</sup> Jwale, ka kelohloko jwale, mamelang, le tle le be le bonnete ba ho hopola. Ha ke ahlole batho ba Katolike, mme ha ke ahlole batho ba Protestanta, hoba Peo ya Modimo e tswa bobeding boo le ho tsona kaofela, ka kgetho. Bao ba reretsweng Bophelong ba tla E bona ba tsamaye ho Yona. Bao ba sa boneng, ba tsamaya lefifing. Ho ho Modimo. Modimo o a e etsa. O anne a ba a tshepisa Abrahamama hore O tla pholosa yena le Peo ya hae. Jwale, ha o ena le Peo ya Abrahamama, o na le Bophelo bo sa Feleng, ke phetho, mme le majalefa ka pallo. Mme tsohle di tlele ka mohau le ka kgetho ya Modimo.

<sup>59</sup> Jwale lemohang, tabeng ena mona. Mme nna ka dinako tse ding. . . mohlomong ha nka rera haholwanyane, kapa ho ruta ho feta. E se e le dilemo. Ena ke kopano ya pele ya thuto eo nkileng ka e tshwara, dilemong tse ka bang robedi. Mme e batla mohlomong, e kgwakgwathetse mafome hanyenyane, dibakeng tse ding. Mme nako le nako ha o—ha ho. . . Ako mpotse potso efe feela ha o batla; e bee kalaneng, kapa sefaleng, mme ke tla thabela ho e nka.

<sup>60</sup> Jwale hlokomelang. Empa sohle se ke se tsebang ka Lona, ha kea Se rutwa ke motho, ke koleshe ya thuto. Ke rapetse ho fihlela ke fumane tshenolo ya sona, mme e ne e lokela ho nyalana le Lentswe la Modimo.

<sup>61</sup> Ka Testamenteng ya Kgale, ba ne ba ena le mekgwa e meraro ho tseba molaetsa. Mokgwa wa pele oo ba neng ba fumana ka wona, e le ka se ngotsweng molaong; ntho e latelang e le moporofeta; kapa ntho e latelang e le Urime Thammime. Jwale moruti ofe o tseba seo Urime Thammime e ne e le sona. E ne e le e—e lesedi le hadimang sefubeng sa Aarone, seo ba neng ba se fanyehile ka hara tempele. Jwale, ha moporofeta a porofetile, mme Lesedi le sa ka la hadima hodima Urime Thammime, se ne se fositse. E ne e le karabelo e Halalelang ya Modimo, “Se ne se fositse.” Hape ha ba . . . Ha molori a lorile toro, mme e sa hadime hodima Urime Thammime, e ne e fositse.

<sup>62</sup> Jwale, Urime Thammime e fedisitswe, ho latela mohopolo oo, empa *Ena* ke Urime Thammime ya Modimo jwale, Bibe. Ha moporofeta, kapa molori, kapa se e leng sona, kapa moruti, a sa ka a tshetleha kgopolo ya hae hodima HO RIALO MORENA hantle, ha ke e dumele, le a bona. E tlamehile ho fihla hantle *Mona*, ho qala ho Genese ho fihla ho Tshenolo, e seng sebakeng se le seng feela. E tlamehile ho tswa ka hara Bibe le ho tlamahana le Yona hantle mmoho. E, monghadi. E tlamehile ho nyallana le Yona kaofela, le ho hokana le Yona yohle mmoho. Ha o sa etse jwalo, o ka qotsa ntho e le nngwe mme o re ke pelekatori, le ho rera Bokatolike ka Bibeleng. Empa e tlamehile ho nyallana ka botlalo ho qala Genese ho fihla Ditshenolo, ho hlakisa setshwantsho. Ke hantle.

<sup>63</sup> Mme Moya o Halalelang ke Yena Ya le hodisetsang setshwantsho Sena, ha o ka Mo dumella feela ho e etsa. O tla o tsamaisa Leseding lohle. Bibe e itsalo. Jesu o itse O tla e etsa.

<sup>64</sup> Jwale elang hloko jwaloka ha . . . Hape, jwale, re fumana seo ba se entseng mono. Yaba, ka mora nakwana, ba fumana thuto. Ba fumana tlatlapo. Ba ile ba tswa.

<sup>65</sup> Mme re fumana hobane, tsatsing lena la jwale, hore Bibe e lekantse ho tla fihla mohla batho ba tla amohela letshwao, le letshwao la sebata.

<sup>66</sup> Nako le nako ha ho ferella nthwana naheng, motho ka mong o itse, “Ke letshwao la sebata.” Mohla ntho ya kgale . . . Ke ne ke sa tswa tlotswa kerekeng ya Baptise, mohla ke utlwang ka N. R. A. Be, motho ka mong a re, “Leo ke letshwao la sebata.” Mme hape ha ho ropoha ntho, “Ke letshwao la sebata.”

<sup>67</sup> Mme jwale ba re, “Rashia ke enwa a theo, bokomonisi, ke letshwao la sebata.” Empa, ke leshano. Ha se letshwao la sebata. Bibe e bolela seo letshwao la sebata le leng sona. Letshwao la sebata hase nthohadi e kgahlano le borapedi e kgahlano le naha e tsohang jwalo. Bokomonisi hase Rashia; bokomonisi ke moya. Ntho yohle ke . . . Ha re—ha rea lokela ho touta ka Rashia.

68 Bobodu ba rona ke bona bo re bolayang. Bokomonisi bo haola hantle hara dikereke tsa rona le ntho tsohle, le tseba seo, dikolong tsa rona, malapeng a rona, hohle, setjhabeng sa rona. Ntho yohle e jelwe ke seboko. Maborokwane ya kobolang apole ha se yena ya e utlwisang bohloko; ke seboko se mokong se senyang apole. Ke yona taba, e mpa e le bobodu bo hara rona. Ho tsamaya, ho ipitsa Bakreste, le ho ipapisa le lefatshe, le apara selefatshe, ho nka kabelo ho tsa lefatshe, le ho ipitsa. . . Lefatshe le kgathetse le tennwe ke tse jwalo. Mme e seng lefatshe feela, boholo ba Bakreste, le bona. E.

69 Hangata ke itse, “Modimo o ke o thuse tsatsi la mohla batho ba fetohang seo ba lokelang ho ba sona. Hola ke le kgahlano le Yena, ke ne ke tla re ke kgahlano le Yena, ke ne ke tla ba kgahlano le Yena ka bokgoni bohle ba matla a ka.” Empa kea Mo emela, mme kea Mo rata, mme kea Mo dumela. Mme—mme bophelo ba ka bo matsohong a Hae, ho sebetsa ka bona sohle se A se batlang, hoba ke dumela hore Bokreste ke Nnete. Ke hantle. Ke bo dumela e le Nnete.

70 Ha ke ntse ke haola lefatshe, mme ke sheba mekga e fapaneng, le jwalo-jwalo, bathei bohle ba yona ba shwele mme ba robetse lebitleng, mme ba fupere thutamodimo. Kereke ya Bokreste e batla e tsamaile hakaalo ka yona, le hona.

71 “Empa ba tsebisang Modimo wa bona ba tla etsa tse kgolo.” Mme Matla a Jesu Krete ya tsohileng a phela ka hare ho motho. [Moena Branham o kokota ha tshelela sefaleng—Mong.] Ke hantle. Ha A shwa; O tsohile.” Ke tla ba le lona, le ka ho lona, mme dintho tseo Ke di etsang le tla di etsa le lona.” E, monghadi.

72 Ebe lefatshe le sheba ka ntle le re, “Bohlanya.” Le bone moo re e fihlisitseng teng bosiu bo fetileng, ka thuso ya Modimo.

73 Jwale, re fumana hore ntho ya pele e kileng ya tsoha ho etsa sebopheho sefe sa sebata, le ka mohla, kapa. . . *Sebata* se bolela “matla.” Re ile ra feta dipapisong tsohle le ntho ka nngwe, bosiu bo fetileng, ho kgodisa hobane sebata e ne e le matla. Mme ha se a ka sa tswa Rashia. Se tswa Roma. Ke hantle. Se tlile se tswa Roma.

74 Mme e ne e se—e ne se sehlopha sa banna. E ne se mokgatlo wa dipolotiki. E ne e le mokga wa borapedi. E le kereke e “dutseng hodima maralla a supileng,” e-na le monna a le mong ya laolang lefatshe lohle ka matla, ka mono. Hantle haholo. Mme re fumane e le mosadi, re bile ra mo taka ka ho hlaka feela. Hase ho nka tlhaloso ya ka ka sebele; ho bala Bibe le feela. Hore, ha ho sebaka lefatsheng, ha ho motse o mong lefatsheng, o busang lefatshe lohle. Setjhabeng ka seng, motaka oo wa Boroma o hlahella seka ponong ya Daniele ya menwana e leshome ya maoto, mme re fumane e ne e le Motse wa Mopapa.

<sup>75</sup> Mme bonnyane Makatolike a mangata a tshepehang a ne a dutse mona bosiu bo fetileng. Ba itulela ba kgutsitse mme ba mametse. Ba a tshepahala. Ba lapile.

<sup>76</sup> Jwale, o ke ke wa pheha kgang le moprista. A ke ke a pheha kgang, hobane, moprista, “Ha kereke e bua ntho e fapanang le Bibehe ena, kereke e nepile.” Ho nna, Bibehe e nepile mme kereke e fositse. Le a bona? O ke ke wa ba phehisa kgang. Bona, o na le. . . Ha ho mokgwa wa ho pheha kgang. Ha ho mokgwa wa ho eletsana kapa ho tsekisana. Hobane, ba dumela, “Seo kereke e se buang, ke phetho! Ke phetho, seo kereke e se buang, ho sa tsotelehe seo Bibehe e se buang. Ke seo kereke e se buang!” Ba dumela kereke. Rona re dumela Bibehe.

<sup>77</sup> Jwale re mo fumane a bitsitswe. . . Kereke e ne e le mosadi. Mme a rewa lebitso le bitsollang, le ditishila la “SEOTSWA,” mme ebile e le “MMA DIHLOLA.” Mme re fumana kereke ya Katoloke ebile yona mme wa pele wa kereke. E seo e ipoletseng e ne e le sona hantle. Ke kereke ya pele ho hlophiswa le ka mohla. Mohla Modimo a ne a fela a hlophisa borapedi, e ne e le kereke ya Katolike. Mokgatlo wa pele o kileng wa hlophiswa lefatsheng, wa borapedi ba Bokreste, kereke ya Katolike. Jwale. . .

<sup>78</sup> Mme hape, qetellong, ke ha e le “MMA DIHLOLA.” A tswala dikereke, tse mo futsitseng, hoba e ne e ke ke ya ba bashanyana. Ba ne ba tlamehile ho ba banana, mme re fumana kereke ya Protestanta e le tholwana ya kereke ya Katolike. Ka ho batlisisa Mangolo, le ka ho sheba buka ya hao ya histori, re fumana kereke ya Protestanta e le tholwana. Mme Protestanta e ke ke ya omanya Katolike, hobane, ka bobedi boo, ho thwe ke “DIHLOLA” le “SEOTSWA.” Ke puo pha, empa hoo ke HO RIALO MORENA. Ke hantle.

<sup>79</sup> Lemohang, yaba o re, “Ha re,” kwana Dinaheng tse Kopaneng, ba itse, “ha re etseng setshwantsho sa sebata.” Efela ha sebata e ne e le matla, mme matla e ne e le mokgatlo; hase ho nka kgopolo-taba jwale. Leo ke Lentswe la Modimo. Mokgatlo wa kereke ya Katolike o ile wa ithlophisa mmoho mme wa bopa e de- . . . tumello. Mme ba ile ba hloma, seo ba se bitsang, “baholo ba ho qala” mmoho, mme ha hlophiswa kereke ya Katolike, le ho rala e—e—e—e moetlo, le seo ba se dumetseng le seo ba tla se ruta, tumelo e ka lefatsheng lohle. Mme ba e hatella bathong, ka kotlo.

<sup>80</sup> Mme yare ha Martin Luther a tswa, ka ho bona Moya wa Modimo o mo tataisa ho tswa. Ho ena le ho dumella batho ho itulela ka tokoloho, a hlophisa kereke; setshwantsho sa sebata, matla a sepolotiki a tshwanang le sona. Ho ena le ho lesa batho ho itsamaela kamoo Modimo a bonesang lesedi, ba hlophisa tlasa tsamaiso, mme ba tlamehile ho hamarela tsamaiso eo.

<sup>81</sup> Modimo wa tswa hantle ho kena ka hara kereke ya Methodise. Methodise ya fuwa tsoseletso e haotseng le lefatsheng;

Moya o Halalelang o ena le bona, ho ruta kgalaletso. Mme ntho ya pele le a tseba, ha ba etsa jwalo, yaba moo ba hlophisang kereke, ho etsa setshwantsho sa sebata, ke hantle, ntho ya sepolotiki, matla a hlophisitsweng, ho tlamella batho ba Modimo tumelwaneng; ho ena le ho lokoloha ho rapela le ho tsamaya leseding ha lesedi le ne le boneswa tseleng ya bona.

<sup>82</sup> Ba boela ba ba hulela morao, mongwaheng oo. E ne e le lesedi le lesesane la mono. E ne e le lesedi la—la kereke ya Pergame.

<sup>83</sup> Empa ho ka thweng ka kereke ya Filadelfia? Ke lesedi le leng leo. Empa, le a bona, ho sa tsotelehe ba hlophisitse ha kae, Modimo wa tswa hantle mongwaheng wa kereke *ena*, leha ho le jwalo, ho roma monna, ya bitswang John Wesley. Luther o ne a ke ke a le sala morao, hobane o ne a sa le dumele. A se a hlophisitswe morao *mona*.

<sup>84</sup> Yaba John Wesley o hlophisa ka thata-thata, mme a fihla sebakeng. E ne e le nako ya hore mongwaha *wona* wa kereke o kene. Modimo wa romela sehlopha sa Pentekosta; ho tswela mona ka kolobetso ya Moya o Halalelang. Oh, Methodise ya re, “Uh-oh. Huh! Ha re ka ke ra tsamaisana le ntho Eo. Huh-uh! Ha re dumele dinthong tseo. Oh, tje.” Hobaneng? *Lena* ke lesedi leo ba tsamaileng ho lona, *mona*; *lena* ke lesedi la *mona* jwale.

<sup>85</sup> Re habile nqa bodikela letsatsi. Le hopola seo moporofeta a se buileng? “E tla ba letsatsi le mohodi, e ke ke ya ba bosiu kapa motsheare, empa Lesedi le tla tjhaba mantsiboya.” Lesedi le kileng la tjhabela Mojuda naheng ya botjhabela, botjhabela (Bajuda ke batho ba botjhabela), Le tjhabetse Baditjhabela; lona Lesedi leo, wona Moya o Halalelang, matsatsing a qetelo ka mona, yona kolobetso e tshwanang ya Moya. Re fetile mengwaheng ena yohle mona, moo ho ke ke ha thwe ke Lesedi kapa nako e lefifi, empa letsatsi le batlang le le maru, le saretsweng; empa hantle *mona*, jwaloka ha Lesedi le tjhabile ka ho tshwana morao mono.

<sup>86</sup> Ke ka hona, “O tla ba jwaloka jaspere le lejwe la sardone; Alfa, Omega, Qalo le Qetelo; Ya Neng a Le Teng; Ya Leng Teng, le Ya Tlang ho Tla; Motso le Lehlomela la Davida; Naledi ya Meso.” Ke eo moo e teng. [Sekgeo lebanteng—Mong.] Kea kgolwa lea e bona.

<sup>87</sup> Mme, hopolang, hore re fumane, ntle le phoso ya letho, hore letshwao la sebata ke letshwao la kweneho, ke hore, ditho tsa kereke tse haramelang kereke ho ena le ho tsamaya Leseding. Ba hana Lesedi, mme ha ho letho le setseng haese lefifi. Ke hantle, Katolike le Protestanta mmoho. Ho na le “sebata, le seotswa,” mme se na le “dihlola” baradi. Mme baradi bana ba dihlola, eitse ha ba tswa, e ne e le barwetsana ba tswang Leseding la letsatsi leo, mme ba hlophisa le ho

theolela batho tlase mona, hape ka hare mona, ho ba fetola yona ntho eo Roma e ne e le yona tshimolohong. Biblele e itsalo. “Sebata; le setshwantsho sa sebata; letere ya lebitso la sona,” le jwalo-jwalo.

<sup>88</sup> Kamoo re haotseng nthong yohle, bosiu bo fetileng, mme Biblele ka ho hlaka. . . e seng kgopolotaba ya motho ya itseng. Empa Biblele e ile ya e ala, hore sebata se hloho di supileng, se dinaka di leshome se tlile [Ekaba sekgeo lebanteng—Mong.] se tswa Roma, se ne se le Roma mono, mme e le “se neng se le teng, ha se sa le yo; le se leng teng, le se leng siyo,” mopapa e mong o hlahlama e mong, mopapa e mong o hlahlama e mong, mme se se se tla ya tahlehong. Le ho fumana hore yena mosadimoholo eo o tswetse banana ba mmalwa. E ne e le barwetsana tshimolohong, ba tsamaya Leseding leo ba bileng le lona. Mme yaba ba qala ba itshwara jwaloka ka matekatse, le ho kgutlela nthong eo mama wa bona a e etsang. [Moena Branham o kokota habedi sefaleng.] Hantle. Hantle.

<sup>89</sup> Ere ke le bolelle taba, lona basadi. Mamelang. Mohlomong ha le na tshepo e kaalo ho nna jwale, ha ke phatlola dinto tse na ke di phunya. Mme ha se ho le thongka; ke ho le thusa. [Phutheho e re, “Amen.” —Mong.] Empa ha le bona batho, dikereke kajeno, di dumella basadi ba tsona. . . Jwale, ke—ke sa tla fihla le ho banna, hape. Empa ho dumella basadi ba bona ho etsa kamoo ba etsang kajeno, mme ba ntoo ipolela Bokreste! Ha ke le bee molato lona basadi; ke tla etsa jwalo, ka mora phirimana ena. Empa, shebang, ha ke—ke le bee molato lona basadi hona jwale. Empa, kgaitsemi ya ka, bohola ba mesuwe ena ya seminare hodimo mona, kapa mesuwe ya mabitla, kapa seo o ka e bitsang sona, ho tswa hodimo mona kae-kae, ba le dumella ho tsamaya ka thetso eo feela. Biblele e itse, “Ba ne ba fofetse, ba tsamaisa difofu.” Ke nnete. Jwale. . .

<sup>90</sup> Mme, Jesu, ka ho bona sena, le ka ho tseba hobane tse ding tsa dikereke tseo tsa Protestanta di tla tsamaya hantle ka kotloloho ho fihla monyakong wa Lesedi, mme di ntoo furalla. Jesu, ho Mattheu 24:24, o itse ho tla ba jwalo, “Antikreste o tla bapa hona le wa makgonthe, ho ka thatsang le bona Bakgethwa, hola e le ntho e ka etswang.”

<sup>91</sup> Jwale, bonang, Boroma, Bokatolike, oh, bo mamotse ba bang ba lona Maprotestanta hlohong. Empa, motho ya hauhetsweng hanyenyane, hanyenyane. . . ho tseba lethonyana ka Biblele, o tla hana mme a furalle. Ke hantle. Kgahleho ya yona e rothofetse ho yena; o tseba ho se letho mono, dinto tseo tsohle tseo ba di rutang. Ha ho Lengolo la yona; tao-tao, ba ye ba e nepe hanyenyane.

<sup>92</sup> Leshano le leholohadi le kileng la bolelwa, le ne le ena le Nnete e ngata ho lona. Ke hantle. Mme la pele, Satane o ne a

qoqa le Eva, o buile Nnete e ngata. Empa a ena le ho kang, bokatlase ba yona, a tshwere leshano le ahlotseng mosadi, le ho senya moloko wohle, mmopo wohle. Ke hantle.

<sup>93</sup> O tlamehile ho sheba ntho eo. Eka kgona e be Nnete *mona* le Nnete *mona*, Nnete *mona* le Nnete *mono*. Karolwana ka nngwe ya yona, Nnete; ho tsepama ka ho tshwana, ho haola jwalo.

<sup>94</sup> Mme hape le kamoo batho ba ka bonang kereke ya ho qala morao mono e ne e kgantshitswe ka setshwari seo sa kandelare, le ho bona ka *mona* ho etsahala ntho e tshwanang le e etsahetseng morao mane, mme Lentswe la Modimo le re etlaba “Jesu Kreste maobane, kajeno le ka ho sa feleng.” Mme ba e hane? Hoa bontsha hore ba hanne Lesedi, mme ba tsamaya lefifing; yona feela ntho e setseng.

<sup>95</sup> Ke nnete, moena ka. Ha ke e bue ho ipona bohlaele. Modimo o tseba hoo. O tseba pelo ya ka. Ke tshwere molaetsa, le e mengata ka pele ho nna le hona. Le ho tseba hobane tsatsi le leng, Setulong sa Kahlolo, ke tla arabela dintho tsena. Ke hantle haholo. Ke tla fihlelwa ke le moqosi wa bohata, moruti wa bohata, ke moo Modimo a tla nkahlola. Ke hantle. Empa ha ke fela ke tseba Nnete ya dintho tsena, mme ke sa le bolelle, O tla nkahlola mohlang oo, ehlile bo.

<sup>96</sup> Ho itswe ho sebohodi, “Ela hloko! Ha o sa kgaleme, ke moo Ke tla—Ke tla botsa matsoho a hao. Empa ha o fela o kgalema, mme ba tswela pele, ba tla shwa sebeng sa bona, empa Nke ke ka a botsa letsohong la hao. O tla lokoloha.”

<sup>97</sup> Ka hona re batla ho ela hloko hore re tseba seo Nnete e leng sona, ho latela Biblele. Le kamoo mongwaha oo o qadileng kateng, le seo ba se entseng, le kajeno ho bona kereke ya Protestanta tlase hantle.

<sup>98</sup> Shebang mona. Mehlang ya kgale, enereha,omme lona batho ba kgalalelo, e ne e le phoso ho lona basadi ho kuta moriri wa lona. Se neng se le phoso se bile se lokile ka hoo ke sefe? Athe Biblele e boletse hore, “Efela ha mosadi ofe feela a kuta moriri wa hae, monna wa hae o na le tokelo ya ho mo hlala.” Thuto e hlakileng, empa ke Biblele.

<sup>99</sup> Mme lona basadi, le tswela ntle mona mme le hela jarete, le tenne diofarolo, le tenne le diaparo tsa monna. Mme Biblele e boletse, Modimo o Matlawohle o itse, “Mosadi ya aparang seaparo sa monna, ke manyala, ditshila mahlong a Modimo.” Mme le a e etsa.

<sup>100</sup> Mme le pekotsa disakrete, le ya ditantsheng le dipontshong, mme le ntse le le ditho tsa kereke. Le ipontsha le na le nthwana ya mofuta; ha lea tshwauwa Lehodimong, Moya o Halalelang. Re tla kena mono ka mora nakwana, le ho le bontsha ntho e fapaneng le eo. Jwale, eo ke nthwana feela.

<sup>101</sup> Mme lona banna, le kena kerekeng, ho theosa ka seterata ka sikara molomong wa hao, ekare e—e poho ya Texas, e ponngweng lenaka. Le ho nka. . . Ha ke e bue e le motlae. Ha ke dumele ho saoha sefaleng. Ke re ke Nnete. Ho theosa ka seterata, le ho dula dibakeng, le ho bua leshano, le ho utswa, le ho qhekanyetsana, homme e le batikone lekgotleng la kereke.

<sup>102</sup> Ho theohela ka hara dikereke le ho bapala dipapadi tse tsa dikarete, hase letho haese loto e pala, e nyehlileng. Ke hantle. Mme lea e etsa, mme le ntoo holodiya ka motho ya betjhang dipere. Le babe ha kaalo, dikerekeng tsa lona, lona maMethodise, maBaptise, le maPentekosta, hore le bomang lona ba etsang tse jwalo. Ke hantle. Mme lea tseba hobane ke nnete. Empa ke eng? Le boela le qhobellana jwaloka ka mma lona morao kwana. Ntho e tshwanang hantle, mme pitsa e ke ke ya re ketlele e ntsho. Mme ke oo moya wa dintho.

<sup>103</sup> Empa ha ke na letho kgahlano le batho ba Katolike. Ha ke letho kgahlano le Methodise, kapa Baptise, kapa Presbeteriene. Modimo o na le batho, Dipeo tsa Abrahama, ka ntle mono. Hase kgahlano le batho. Ke mabapi le dikereke tsa bona, ho itlhophisa ha bona mono, mme ba kgumamela kereke bakeng sa Modimo. Oh, lona Maprotestanta ha le batle ho e dumela, empa lea e etsa, leha ho le jwalo. Nka re, o Mokreste na?

<sup>104</sup> Be, hase kgale haholo mona, Moena Bosworth a botsa mosetsana, ho re, “O Mokreste na?”

<sup>105</sup> A re, “Mokreste? Ke tla batla o utlwisise, ke hotetsa kereke bosiu bo bong le bo bong!”

<sup>106</sup> Be, jwale lona Maprotestanta le hopola e le taba e tsotwang eo? O Mokreste na? “Ke batla o utlwisise, ke moMethodise,” kapa “moBaptise.” Be, hoo ha ho bolele letho empa le fapohile letsatsi la mohau, le ikentse, ho nna; ke hantle, ha e le phetho seo le leng sona, moMethodise feela kapa moBaptise. Empa ha o se Mokreste ka hara Methodise, kapa Baptise, kapa kereke ya Katolike, o lahlehile. Ke hantle. Ka baka leo letshwao la hao ke leo hantle.

<sup>107</sup> Matshwao a mabedi ao ke a moya. Jwale ke tla le pakela yona ka Bibe. Matshwao a mabedi ao ke matshwao a moya.

<sup>108</sup> Boholo ba batho bo nnile ba nahana, “Ba tla tsamaya hohle mme ba tlapise batho nyao phatleng tsa lona, le ho tlapisa nyao ya mofuta letsohong la hao.” Re fumane, bosiu ba maobane, e ne e le leshano. E, mongahdi. Ho ho phoso. Ke letshwao la semoya. E—e mpa e patilwe haholo. Mme, shebang, hangata. . .

<sup>109</sup> Jwale kea tseba mohlomong e rafola masiba a mangata, mme ekare e—e—e thata. Empa e—e tla otloalla ha feela re ka. . . le ho fa Modimo monyetla o monyenyanane. Ha ke—kea ikemisetsa ho kgohlalala, empa ke—ke leka ho bea ntlha, ka pelo yohle ya ka.



110 Eitse ha Jesu Kreste a bone kereke eo ya Protestanta e theleha kerekeng eo ya Katolike kwana, le ho tswa le ho boela morao ka kotloloho, le ho kgutlela hantle ka moo ba sebeditseng, A re, “Moya o tla bapa hona, ho ka thetsang le bona Bakgethwa . . .”

111 Na le eleletswe, metswalle ya Bakreste, hore antikreste, e leng letshwao la sebata? Antikreste, mang le mang o a tseba hobane antikreste mono, ke letshwao la hae leo, ke . . . la matla a hae. Mme, lea bona, ke sebata, ke matla. Ho na le matla a kereke ya Katolike. Ho na le matla a kereke ya Methodise.

112 Ke ne ke ile, nakwana e fetileng, ho monna ya kgabane hahalo. Ha ke sa fose, o dutse ka kerekeng mona bosiuang bona. Mme Edith Wright e monyenane le bao ba ile ba tla hantle tshebeletsong mona, hase dimaele tse mashome a mabedi ho tloha mona. Mme, rona, batho . . . Ke ne ke rera Evangedi ya pholoso feela. A lokela ho tshethema dikoloi ho fihla sebakeng. Mme bosiuang boo, modisa a mpitsa ka kotloloho, ho re, “Ke maswabi ho o bolella, Mor. Branham. Empa ba dumeletse batho ba mmalwa ho kena ka mono, mme monna wa rona wa sedika a kena a re, ‘Ha ho phodiso ya Kgalalelo ka kerekeng ya Methodise.’ Ka baka leo o tla lokela ho ya kalaneng, le ho tloha ho itsamaela, le ho siya phutheho.” Ke hantle.

113 Hobaneng? Matla a kereke ya Methodise. Ke matla a sebata. Kereke ya Baptise ka ho tshwana; Campbellite, le ya Luthere, le tse ding tsohle, le Pentekosta, e mpe hakaalo. Ke hantle. Ke fumana batho ba Pentekosta . . . Le Assemblies of God ba kene lekgotleng la dikereke, e leng e—e . . . Ba ikgokantse hantle hodimo mona feela, le “mme” wa kgale wa seotswa. Ka baka leo kereke ka nngwe e hlophisitsweng e tswa Roma. Ke mma yona eo. Mme ha ke mohalaledi wa Latter-Day, kapa Latter-Day Rain, kapa e leng hore le e bitsang. Ha ke batle . . . Ha ke letho la seo.

114 Empa ke bolela sena, hore banna le basadi ba loketse ho lokoloha ka ho Kreste Jesu, ho tsamaya Leseding. Mme kereke ka nngwe e tlamehile ho ba jwalo. Ke nnete.

115 Jwale, lemohang sena, ka moo Bible . . . Le a e tshwara. Mokgatlo oo, hopolang, ke hona moo e robotseng teng, hantle mono. Mme re fumana hobane, mohla kereke ya Katolike e ne e qala morao mono, ba tswile ka kolobetso ya thetso, ho fafatsa bakeng sa ho kolobetsa. Ha ho Lengolo le le leng la ntho eo ka hara Bible. Mme e seng hoo feela, empa Moya o Halalelang, le kolobetso ya metsi, le dibopeho, le maemedi a lebitso, le ntho tsohle, ho fetola ntho ya nnete sesomo feela. Mme ha ho moreri naheng, ya ka mpontshang sebaka se le seng moo ntho eo e kileng ya etswa kerekeng ya ho qala. Ke hantle. Ha e yo ka hara Bible. Empa ba tswile le yona, mme re e kgumamela hantle. Na le bona moo re kgutlelang teng hantle feela?

116 Mme kajeno lea ipotsa hobaneng re sa fumane tsoseletso. Ke sona se e leng taba, moena. Seo re se hlokgang kajeno ke tsoseletso e ntle, ya mehla-ya-kgale, ya Mohalaledi Pauluse, le Moya o Halalalang wa Biblele ho kgutlela hape naheng. Ke seo re se hlokgang. Jwale . . .

117 Mme ba nkile “letshwao la sebata,” kapa “letere ya lebitso la sona,” seo ba se bopetseng setshwantsho. Setshwantsho e ne e le mokgatlo o kang kereke ya Katolike. Ba ile ba e hlophisa mme ba bopa setshwantsho sa kereke ya Katolike. Na kereke ya Methodise ke setshwantsho sa sona; kereke ya Baptise, kereke ya Presbeteriene, kereke ya Pentekosta, kereke ya Holiness, Pilgrim Holiness, United Brethren? E nngwe le e nngwe e hlophisitsweng, e entse paterone ya yona. Ha e-so hlahe ka Bibeleng ya Modimo. [Moena Branham o kokota sefaleng ha nngwe—Mong.] Ke hantle. Mekgatlo; ho hlophisa!

118 Modimo ke moetapele. Le ka kgutlela morao-rao ka moo le batlang. Shebang Iseraele, e tswang Egepeta.

119 Mme baMoabe bao bohle keha ba eme hodimo mono, ba tsitlalletse thuto ya motheo, ba hlahisa mahlabelo; dialetare tse supileng, tse supileng di- . . . manku a supileng, a lekanyang ho tla ha Kreste; dipholo tse supileng, sehlabelo se hlwekileng. Hantle mono, moporofeta wa hae e moholo keha a eme mono, Balaame, ho rohaka Iseraele. Mme Iseraele e le eo . . . Moabe e le eo, setjhaba se sehoho. BaAmore le bao bohle e le bao, setjhaba se sehoho, di itlhophile mmoho jwaloka setjhaba.

120 Mme Iseraele a qhalakane ka ntle mono makgulong ka sehlopha sa ditente. E le “bafeti le baeti, ba batla Motse o tlang ho tla,” ba sa kgesa tumelo efe feela ba tiile. Mme ba etsang? Ba ena le mehlolo le meeka e ba teetseng hare. Bana ba se na yona; mme ba ba honohela. Dintho tseo e ne e le meya.

121 Modimo o nka motho wa Hae, empa e seng Moya wa Hae le ka mohla. O nkile Elia, mme Moya wa Hae wa theohela hodima Elisha; dilemo tse makgolo a mmalwa hamorao, wa theohela hodima Johanne Mokolobetsi; ho ballwa tsatsi lena la ho qetela hape.

122 Diabolosi o nka motho wa hae, empa e seng moya wa hae le ka mohla. Moruti eo wa borapedi ya ahlotseng Jesu Kreste ka baka la mehlolo ya Hae le dipontsho le meeka, le ho fapana le Yena ka Lengolo, o no a tsherehane hoo a bileng a tla Mmolella ka yona. Wona moya oo o phela hantle tlase ka hara mosuwe wa bokereke kajeno . . .? . . . ho rerwa ke Modimo ho kena tsuong eo. Ke seo Biblele e se buileng. “Banna ba kgale, bao tsuo ya bona e seng e le kgale e ngotswe, ba fetolang mohau wa Morena wa rona bohlola.” Ke hantle haholo. Ho Juda, wa 3—temana ya 3 ya—ya Juda, le ka e fumana. Ke hantle.

123 Lemohang dintho tseo tsohle tse pakang mono, hore letshwao la sebata le teng. Ke hona moo le leng teng. Ka baka

leo ha o ntso mathaka hohle mona o ntso o re, “Be, ke tla bontsha mohla letshwao la sebata le fihlang,” o ele hloko hore ha o na lona na. Mme bao ba nang le ntho e jwalo, ba tla otlwa mollong le sebaboleng se tshollwang ho tswa nkgong ya bohale ba Modimo, ho hlokokatswa motsheare le bosiu, ka mehla le mehla. Ke ntho e mahlonoko. Jwale ho phonyoha ha hao ho jwang?

<sup>124</sup> Nako e tla ba teng, le jwale e se e fihla. Lemohang, mme mokgatlo oo o motsamaong...Jwale ere ke o hlabise ho se hokae mona. Ka hara mokgatlo oo o theohang jwalo, nako e a tla eo o tla tlameha ho ba setho sa mokgatlo oo ho seng jwalo o ke ke wa reka kapa ho rekisa; kapa ho ba le letshwao leo la bokwenehi, kereke letshwao. O tlamehile ho ba setho sa mokgatlo o itseng ho seng jwalo o ke ke wa reka kapa ho rekisa.

<sup>125</sup> Mme, utlwang, lona batho ba tsebang seo e leng Nnete. Ha ke re o furalle kereke ya hao. Ha ke bue letho kgahlano le ntho ya...ka lona kapa ka ditho tsa lona. Ke bua ka dintlokgoro tsa lona, morao kwana mohla ba ne ba hlophisa ntho, mme ba e etsa, “Re tlilo etsa *hona*. Re tlilo etsa *hwane*.” Mme ba hloma molao o tinkeditsweng ka tshepe. Mme Modimo o o qhetsola maqhetswana, le ho ntsha Kereke ya Hae hantle mono; ha esale e etswa.

<sup>126</sup> Shebang leetong la bana ba Iseraele. Ba ne ba besa mollo. Ba dule bosiu bo bong le bo bong. Topallo eo ya Mollo e ne e leketla e lopalla hodima bona. Mme ha ke tsotelle nako ya letshare kapa ya bosiu enereha Topallo eo ya Mollo e tloha, ho ne ho letswa diterompeta mme ke moo Iseraele e phutha diahelo e a thakgoa. Ekaba kgitla ya bosiu, hora ya bobedi thapama, nako efe feela, ba ne ba phutha diahelo mme ba sale Topallo ya Mollo morao. Ho jwalo na? [Phutheho e re, “Amen.” —Mong.] Ba ne ba sala Mollo morao.

<sup>127</sup> Be, mohla Martin Luther a ne a bona Mollo wa Modimo o tswa, Martin Luther a tswa, ho sala Mollo morao ho tswa Bokatolikeng. Empa a ntoo ikahela tlase mono a hlophisa kereke ya hae, mme a sitwa ho tsamaya.

<sup>128</sup> Mollo wa tswa o tsamaya hantle, mme Wesley a O bona, mme ke eo a O sala morao. Ke hantle. Mollo wa Modimo wa siya Luthere a dutse fatshe. Yaba, ntho ya pele le a tseba, Wesley a ikahela tlasa Wona, kereke ya Wesleyan Methodist.

<sup>129</sup> Mme ha ntoo latela Alexander Campbell, John Smith ka Baptise, le jwalo-jwalo, le Moody, le bao bohle. Yaba, ntho ya pele lea tseba, ba qala ba kena moetlong, le ho hwama, ho bata, mohla baporofeta ba kgale ba ne ba shwa, le jwalo-jwalo. Sehlopha se setjha sena sa fihla se sa tshwara letho haese thuto ya seminare, mme yaba, ntho ya pele lea tseba, letsoho la kena ka hara phae mme la e dubakanya.

<sup>130</sup> Mme Moya o Halalelang wa tswa, mme Pentekosta ya O bona mme ke bao ba tloseletsa; hantle, ho tswa hantle ba tsamaya, ho siya maMethodise le maBaptise, le jwalo-jwalo. Jwale sehlooho sa yona, empa e le ho phethahatsa Lentswe la Modimo, maPentekosta a ile a hlophisa, mme ba bata ba kene moetlong seka ba bang bohle. Empa, shebang, mongwaha o mong wa kereke ha o sa tla ba teng. Mongwaha wona wa ho getela ke Mongwaha wa Kereke ya Laodisea, o sa tjheseng kapa o sa bateng. Borapedi bo lekanang feela, ha mmimo o letswa, ho tjeka ho nyolosa-le-ho-theosa tlase hara ditulo, ho ntooo dulwa fatshe, ho uwe lapeng ho seba moahisane wa hao.

<sup>131</sup> Seo re se hlokang kajeno ke tsoseletso ya mehla-ya-kgale, ya Moya o Halalelang, e rometsweng se-Modimo e tjhesitsweng, e tla o robatsa ka sefahleho le ho lla, motsheare le bosiu, le ho bokolla le ho phohomela, le ho itshwara jwalo, ka baka la dibe tsa lefatshe. Re sa tla kena mono. Ke hantle.

<sup>132</sup> Empa ke bao. Ke hona moo re leng teng ho ba, fofo. Modimo wa re, "E lwebehlanya mala a Ka! Ke tla o hlatsa molomong wa Ka." Ke kereke eo, kereke ya Protestanta, e lahluwe. Kereke ya Protestanta e lahluwe; ho qala ka Pentekosta ho isa Luthere, karolwana e nngwe le e nngwe ya Yona. Lentswe la Modimo le rialo.

<sup>133</sup> Empa ho tswa ho kereke e nngwe le e nngwe ya tseo, O ntshitse Mokgethwa. O ntshitse Peo ho e nngwe le e nngwe, ho Methodise, Baptise, Presbeteriene, Luthere, hohle mono, Katolike, le bohle. O ntshitse masalla, ho ntsha batho.

<sup>134</sup> Ha se kgale haholo mona, ho ne ho robetse mofumahatsana hantle mona Louisville, Mokatolike, a eshwa. Ka ntooo nyolohela mono. Mme moprista a re, "Dithole, tsa dintho tse jwalo!"

Mme monna wa hae a re, "Emella kwana. Ere a kene."

<sup>135</sup> Ka kena ka mono. Mme mosadi a loketse a be a shwele hoseng ho hlahlamang. Yare a sa rapellwa, pono ya hlaha, le ho re, "HO RIALO MORENA." Ke hantle. Hoseng ho hlahlamang. . . Ho mmolella hore e tla ba dihora tse kae, ho fihla botsekeng hantle, hore o tla ya hae neneng a fodile. Ba ile ba e tsheha, ba e soma. Mme ka yona hora eo Moya o Halalelang o e buileng, a ya lapeng e le mosadi ya phetseng, mme le kajeno o sa phetse. E ne e le Mokatolike. Bona e ne e le Makatolike. E ne e le Katolike.

<sup>136</sup> Ha o amohela Lesedi. . . Ka Testamenteng ya Kgale. . . Ere ke le bontshe tlapiso eo jwale. Mamelang ka hloko, mme ke ntooo kena sehlohong sa ka ka kotloloho. Shebang, ka Testamenteng ya Kgale, enereha lekgoba le kene bokgobeng, mme le ena le. . . Le ne le rekilwe mono, ka moputso. Le loketse ho sebeletsa monghadi eo ho fihlela selemo sa teselo. Mme enereha selemo sa teselo se fihla, ho letswa terompeta.

137 Mme lekgoba le le teng mono, yena le bana ba hae, le mosadi le bao ba batla ho kgutlela lehaeng la kgale. Ba ne ba tla hara masimo, mme motubi a ba shapa, le ka mokgwa *wona* le ka mokgwa *wane*. Mme enereha moprista wa selemo sa teselo a fihla, ka moletso wa terompeta, mme moprista eo a letsa terompeta, mme monna eo a utlwa terompeta. A ka lahla mohoma wa hae, o ne a ka nyahlatsa sohle seo a na a se etsa, ho tjamela motubi mahlong, le ho re, “Ha o sa tla nkotla hape. Ke lokolohile.” A ntoo tloha mme a ikele lapeng. Hobaneng? Modumo wa ngwaha o molemo o a lla, ha ba utlwa modumo oo.

138 Mme ke Evangedi eo, selemo sa teselo, hore o lokolotswe sebeng. O lokolotswe ditlwaelong tsena tse ditshila le dintho tseo lefatshe le di hlahisitseng mona ka lebitso la borapedi, tlasa Protestanta le Bokatolike, tlasa letshwao la sebata. Ke hantle. O lokolohile.

139 Ha o a tlameha. Empa hape ha monna eo a hana ho amohela hoo, monna o ne a tloswa mono a iswe monyako wa aletare ya kereke, mme a bewe letshwao, a phungwe lesoba tsebeng ya hae. Mme ebe mofo wa monghadi eo ha feela a ntse a phela.

140 Mme ha o hana ho amohela Lesedi la Evangedi ha E rerwa ka Matla a Moya o Halalelang, ka Bibe, o ka tshoha o itshwaetse mafello a bo sa Feleng ba hao. Amen.

141 Jwale shebang, nthwana e nngwe hape, ha le ka ntshwarela ka ho etsa tlhahiso eo metsotsong e mmalwa e fetileng, ka—ka monna. Empa, shebang mona, “Ho thetsa le bona Bakgethwa...”

142 Jwale, esale re harinya Luthere, Baptise, le jwao-jwalo, le maKatolike, jwale ere ke kene ho lona batho ba kgalalelo motsotso feela. Lea bona? Ke dumela kgalalelong. O tshwanetse ho halalela. “Kgalalelo eo ho seng motho ya ka bonang Modimo ha a se na yona.” E seng kgalalelo ya ka; kgalalelo ya Hae. Mme ha ho letho leo nka le etsang ka yona; ke seo A nketsaditseng sona. Ha ke eme hodima ya ka, hoba ha ke na yona, ha ke leke le ho iphumanela e nngwe. Ha ke leke ho—ho ba jwalo.

“Ana o leka ho tiisetsa, Moena Branham?” Tjhe, monghadi.

143 Ke mpa ke itela feela, mme ebe Yena ya tiisetsang. Ke hantle. Ke Yena Ya tiisetsang. Wena itulele o shwele feela, ke phetho seo o lokelang ho se etsa. Ipoloke o shwele feela, O tla tiisetsa. O sa na tiisetse. O na tiisetse mono A ba a re, “Ho phethehile.” Yaba ke phetho. Modimo o re dumella ho e etsa, ka mokgwa o tshwanang. Ho phethehile.

144 Empa, batho ba kgalalelo, lona maNazarene le Pilgrim Holiness jwale, hopolang. Tlasa matla le ho tswa ha kereke ya

Wesley, kapa kereke ya Methodist, mohla ba ne ba hlophisa, lona batho ba ratwang ba kgalalelo le ile la tswa, ho re, “Re tla tswelapele ka kgalalelo.” Ho ne ho babatseha. La mpa la baballa mongwaha oo feela, Mongwaha oo wa Filadelfia, ho fihlela ho Laodisea. Empa eitseha kolobetso ya Moya o Halalelang e fihla, mme mehlole e kgutlela kerekeng, la e bitsa “Diabolosi.” Hobane ba buile ka dipuo mme ba dumela dinthong tsena, la re, “E ne e le ya Diabolosi.” Mohla le ne le etsa jwalo, la nyefola Moya o Halalelang.

<sup>145</sup> Nka re rialo jwang ho letsoho la ka, “Ha ke o hloke” ? Ha baruti ba le teng, ho bua ka dipuo ho teng. Ha baboleli ba fela ba le teng, le neo ya phodiso e teng. Leoto le ka rialo jwang ho leihlo, “Ha ke o hloke” ? Le a bona? Wena, ha o tswetswe o le ngwana wa Modimo, o a tsamaya mme o amohela sohle seo Modimo a reng se lokile. O tla tsamaya hantle Leseding.

<sup>146</sup> Mohla nako ya ho tsamaya ha Kereke e ne e fihla, Luthere a tsamaya. Mohla ho no ho fihla nako ya hore Kereke e tsamaisa letsoho la Yona, Wesele o ile a tsamaisa letsoho. Mohla nako ya ho bua ha Kereke e ne e fihla, Pentekosta ya fihla temeng. Ke hantle. Empa, jwale, lemohang.

<sup>147</sup> O re, “Papiso e kae?” O re, “Na papiso ya ntho eo e teng?” E, monghadi.

<sup>148</sup> Na le a elellwa hobane Judase Iskariota, antikreste wa nnete, e ne e le monna morapedi? Le eleletswe seo? Ba ne ba mo tshepa hona, baena, a ba a bewa ramatlotlo wa kereke.

<sup>149</sup> Mme Judase Iskariota o ne a lokafatswe ka tumelo, ka ho dumela ho Morena Jesu Krete.

<sup>150</sup> O ne a haleditswe ka Lentswe. Baheberu, 17:17...Ke bolela, Mohalaledi Johanne 17:17, “Ba halaletse, Ntate, ka Nnete; Lentswe la Hao ke Nnete.” Mme Yena e ne e le Lentswe.

<sup>151</sup> Mme ba fuwa matla ho ya bolela Evangedi, le ho leleka batemona, le ho fodisa bakudi. Judase Iskariota, Mattheu 10, o ne a ballwe hara bona. Mme ba tswa ba leleka batemona, le ho bolela Evangedi baetsadibe ba ba ba baka le batemona ba tswa. Mme ba kgutla ba nyakaletse ba howeletsa, mme ba thabile, eka nthwana, tshebeletso ya tente ya kgalalelo. Mme Judase a le hara bona hantle. Ke hantle haholo, hantle le bona mmoho.

<sup>152</sup> Empa nako ya Pentekosta ha e se e fihlile, Judase a hlahisa mmala wa hae.

<sup>153</sup> Ke hona moo kereke ya kgalalelo e hlahisitseng mebala ya yona, hantle mono, mme ya pota ka kwana hantle le ho latola wona Moya o Halalelang o nong o ba tataisetsa Metsing a tebileng; ho hlanoha hantle le ho O latola. Kea ba tseba ba tshwere qubu ya bohla- . . .

<sup>154</sup> Ha ke moPentekosta. Ha ke eso be setho sa mokgatlo wa Pentekosta, le ka mohla. Ke nnile ka ema sekgeong. Ha ke

moPentekosta, Methodise, Baptise. Ke mpa ke le Mokreste wa Bibeletse. Ke phetho. Ke dumela seo Lentswe le se buang. Mme nke ke ka latola neo ya ho bua ka dipuo; ha ke etsa, ke tla latola thuto esita le neo e nngwe e buduletsweng. Ke hantle. Ha ke eso dumellane le baena ba Pentekosta ka “bona feela bopaki” ba ho bua ka dipuo. Ha ke etse ntho eo. Jwale, hoo ho itoketse, ha ba e dumela jwalo. Ke taba ya bona, le a bona, empa ho itoketse ka ho phethahala. Nna . . . Pauluse o itse, “Ho nna eka le ka bua ka dipuo bohle.” Ho nna nka rata ho bona e mong le e mong a atametse ho Modimo ha kaalo.

<sup>155</sup> Ba na le boipeho bo bongata, le bodumedi bo bongata ba bohata. Hangata, ba tswele mono, mme ba itshware eka hoja ba na le Moya o Halalelang, le ho bua ntho e neng e se ho bua ka dipuo. Bophelo ba bona bo pakile hore e ne e le eng. Empa haesale ntho ya nnete ya makgonthe e le teng e itsamaela jwalo ka ho tshwana, ka nako tsohle.

<sup>156</sup> Be, hobaneng Diabolosi a ke ke a lahlela selope sa motswalle ya haufi, wa lekgwaba? Ehlile, o tla e etsa, ho leka ho sitisa. O lahletse ntho e tshwanang ka hara kgalalelo. O ile a lahlela ntho e tshwanang ka hara Methodise. O lahletse ntho e tshwanang tsatsing la Luthere. Mme o lahlela ntho e tshwanang kajeno. Le tlasa matla a dineo, a phodiso ya Kgalalelo le ditemoho tsa moya, o lahlela dintho tse tshwanang ka ntle.

<sup>157</sup> Empa setshosa se o bolellang, hola o ka bua puo ya nonyana? Nonyana e re, “Ha ke bona setshosa, ke tekete ya dijo. Diapole tse ntle ka ho fetisa tse leng teng, di moo melamu e robetseng le moo ditshosa di leketlileng teng.” Ke hantle.

<sup>158</sup> Empa le bona kamoo moya oo o nyolohetseng hodimo mona. Mme Jesu o ile a sheba mme a e bonela pele mehleng eo ya kereke ya Katolike, e hlaha. Ho re, “Le se ke la bitsa motho ntate. Le se ke la sebedisa pheta-pheto tsa mafeela, dintho tsena tsohle.” Ho tswa le ho re, “Jwale le ele hloko, antikreste o tla bapa ho ka thetsang le bona Bakgethwa hola ho ka etswa.”

<sup>159</sup> Sheba, moena, barwetsana ba tswileng ho kopana le Morena ba ne ba le bakae? Leshome. Bohle e le barwetsana. Ho *halaletsa* ho bolelang? “Hlweko, kgalalelo, morwetsana.” Leshome la bona e ne e le barwetsana. Ba bahlano ba se na Oli lamping tsa bona. Ba bahlano ba ena le Oli lamping tsa bona. Ba bahlano *bana* ba halalela ha kaalo e le barwetsana jwaloka ka *bana*. Empa *Oli* e emetseng, ka Bibeleng, moo re ne re e nkile bosiu ba maobane, bosiu ba maoba? Moya, “Moya o Halalelang.” Ba ile ba itlhwekisa ba itulela mono, ba mpa ba tshaba mme ba emella hole le Sediba se neng se tshela Oli ka hare. Le a bona, ho iketsa mokatlo le ho dula fatshe, mme ke bao moo ba leng teng, fofa. Ke hona moo mongwaha wa kereke o ileng teng.

<sup>160</sup> Jwale, jwale re kena letshwaong la Modimo. Ke na le metsotso e mashome a mararo, ha Morena a ratile. Jwale ke batla le phetle le nna, pele, le ho fumana kamoo letshwao lena la Modimo, le leng bohlokwa kateng.

<sup>161</sup> Hopolang seo letshwao la sebata le leng sona; e seng bokomonisi. Letshwao la sebata le tswa Roma, hohle lefatsheng; Bokatolike, le Boprotestanta bo nyalane le ntho ena, borapedi bo hlophilweng. Mme ba se ba tla kopanya dikereke ho fihlela kereke ka nngwe e lokela ho obamela ntho eo, tumelo tsa rona tse sa beeng moedi di rahelwa ka thoko. Ke hantle.

<sup>162</sup> Ditshenolo kgaolo ya 9 jwale. A re baleng ka hloko mona metsotso e mmalwa, ha Modimo o rata, le ho bona seo A se buileng Lentsweng la Hae. Jwale. . . [Sekgeo lebanteng—Mong.] . . . ya—ya Ditshenolo, le temana ya 4. Mamelana hona.

*Tsa bolellwa (ha di bona ho tshollwa dikotsi) hore di se ke tsa senya jwang kapa difate. . . leha e le tsohle tse tala, leha e le difate tsohle; di mpe di tshwenye batho. . . ba se nang letshwao la Modimo phatleng tsa bona.*

<sup>163</sup> Mohla dikotsi di ne di fihla, ho ne ho sireleditswe ba tshwaetsweng ka hara Mmuso wa Modimo feela. Ena ke kahlolo e hlahlobang, mohla batho. . . Mme ha Modimo a ka nthusa, le tla e bona ka Lentswe la Modimo metsotsong e mmalwa, hore ena ke nako ya ho tshwaya sebaka. Mme ba Le hanang, ha ho letho le setseng haese kotlo e sa Feleng.

<sup>164</sup> Jwale re tla ya kwana Testameneteng ya Kgale. Mme a re feteleng mona, ha le rata, Bukeng ya Ezekiele, ha le rata, mme re bale nakwana ho Ezekiele 9. Jwale, ka thuso ya Modimo jwale, A ke a re thuse. Le ho tsitsa jwale bakeng sa thuto, metsotso e mashome a mararo feela e latelang, ha Modimo a ratile. Jwale hona ho malebana, lona ba ntseng ba tshwaya, Ezekiele 9, hona ho malebana. . .

<sup>165</sup> Ntho ya pele eo re lokelang ho e batalatsa jwale, Tiiso ya Modimo keng? [Sekgeo lebanteng—Mong.] Ha le hopole e ka ba bohlokwa-hlokwa na? [Phutheho, “Amen.” —Mong.] Na Bibeke ke Lentswe la Modimo ka ho lekana ho lona? [“Amen.” ] Jwale kea tseba lona le tshwere ntho eo, lona ba reng, “Ho boloka letsatsi la sabbata,” empa ha ho Lengolo le le leng le tshehetsang hoo, ka hara Testamente e Ntjha. A re fumaneng seo Tiiso ya Modimo e leng sona, ehlile. Phetlang ho Baefese 4:30, 4:30, le 1:13. E tshwayeng. Baefese 4:30 e re:

*. . . le se ke la swabisa Moya o halalelang wa Modimo, oo le tshwaetsweng hofihlela letsatsi la topollo ya lona ke wona.*

<sup>166</sup> Jwale, ho tiisa ho boelang? Tiiso ke “pontsho ya phethahalo.” Ho jwalo na?



167 Be, na le kile la bona raseporo ha a phahlela makoloi? O ye a tswe mme a dule hakana *mona*, le hakana *mona*. Mohlahlobi a tle, a nyarele; mme ha ntho *ena* e batla e kgwehla, e reketla, “Le kgale. Nke ke ka e tiisa. O lokela ho e qhaqholla hape le ho qala botjha.” Ntho e latelang, o tla leka ho e hlwesa hape; a fumane hona ho le phoso. Mohlahlobi a fihle, “E phoso. E qale botjha hape.”

168 Mme ke nako e telele Modimo a sebetsa kereke ya Hae jwalo. O ye o phahlele, mme o habile Lehodimong; o nka ntho e nngwe le e nngwe o tsamaya le yona. Dipapadi tsa hao tsa dikarete, huh, ntho efe feela eo o ka e hlwesang hodima kereke, o leka ho tsamaya le yona. Modimo o a e ahlola; ha eso loke hore e ka tiiswa.

169 Empa ha Modimo a bona monna, ya robهيلeng, ya tetetsehileng moya, a tshepahala pelong, tlase aletareng, Modimo o mo kwalla monyako wa lefatshe, le ho mo tiiseletsa ka mono ka kolobetso ya Moya o Halalelang, mme e tshwarella ho fihlela Jesu a kgutla; e seng ho tloha tsoseletsong ho ya tsoseletsong, empa, “ho fihlela tsatsi la topollo ya lona.”

170 Ha lekouchu leo, monyako, o kwetswe, mme ho manehwa tiiso ya mmuso hodima lona, le ke ke la bulwa pele le fihla moo le yang teng.

171 Mme monna e mong le e mong ya tswetsweng labobedi mme a tiiseleditswe ka hara Mmuso wa Modimo, ha a sa na takatso ya lefatshe hofihlela tsatsi leo Jesu Kreste a mo kenyang Mmusong. Ka baka leo ha o ena le bothata, mme o ipolela o ena le Moya o Halalelang; leha o le setho sa kereke ya Methodise, kereke ya Baptise, kereke ya Pentekosta; leha o kile wa hweletsa, wa bua ka dipuo; wa kolobetswa o kodumetse pele, ka seetse, ho fafatswa; mme o sa na le mathata a mofuta oo, o mpe o kgutle o hlahlobe morwalo. Ke hantle. O nka dinto tse ngata haholo; di a lokotseha, dia reketla. Modimo a ke ke a e tiisa ka mokgwa oo.

172 Tlhaku ya koro ha e wela mobung, ho sa tsotelehe. . . Tlhaku eo ya koro ha e itjhwella, e ke ke ya hlahisa hlabahlabane, ho pholosa moya wa yona. Tlhaku ya koro e tla hlahisa tlhaku ya koro, ka ho tiya feela. Mme ha Peo ya Modimo e sa boleng e jetswe ho rona, na E ka hla ya hlahisa ntho efe esele ntle bophelo ba Bophelo ba Kreste?

173 Moya o Halalelang o tsamaisang Kereke, o E tataisetsa Matleng a tsoho ya Jesu Kreste, mme o tshwailwe ho fihlela tsatsi la topollo. Ke Bibe e. “Le se ke la swabisa Moya o Halalelang wa Modimo, oo le tshwaetsweng ho fihlela tsatsi la topollo ya lona ke wona.” Baefese 4:30.

174 Jwale, le pele Moya o Halalelang o ka tla, o tiisitswe le pele mongwaha wa Baditjhaba o qala. O tiisitswe tlasa dikandelare tseo tsa gauta, (hola re ena le mmapa, ho e tshwara), morao mono tlasa mongwaha oo.

175 Esale a hlophana le bona ho haola ka Abrahama, Isaaka, Jakobo, Davida, le ho theoha jwalo mongwaheng o lefifi oo ba bileng le wona mehlang ya Akabe, ho theoha jwalo, Solomone, jwalo-jwalo, ho fihlela e tswa ka maemo ao a fofo. Empa pejana A kwala lekgathe leo mono, O ile a fa Bajuda ba nnotshi leseho le lehola la Moya o Halalelang, “Le se ke la ya ka tsela ya Baditjhaba, le mpe le ye dinkung tsa Iseraele tse lahlehileng.” Ho jwalo na? “O tlile ho ba Habo, mme ba Habo ha ba ka ba Mo amohela.”

176 “Empa ba Mo amohetseng, O ba file Matla a ho fetoha mahlomela a Modimo.” O itse, “Nna Ke ba fa Bophelo bo sa Feleng.” *Bophelo* bo sa Feleng bo tswa lentsweng la Segerike la “Zoe.” Zoe ke Bophelo boo. Zoe ke Bophelo ba Modimo. Mme ha Bophelo ba Modimo bo phela ka ho wena, bo hlile bo hlahisa bophelo ho halalelang jwalokaha ke eme kalaneng ena. Mme monna ya nang le Bona, a ke ke a timela jwalokaha Modimo a ke ke a timela, hobane Modimo o ka ho motho eo. Amen. “Ya utlwang Mantswe a Ka, mme a dumela ho Ya Nthomileng, o na le Bophelo bo sa kgutleng, mme a ke ke a tla tsuong; empa o na le Bophelo bo sa kgutleng.” “Ya jang nama ya Ka mme a nwa Madi a Ka, Ke tla Mo tsosa tsatsing la bofelo.” Ke Lentswe la Hae leo. Ke matshediso a makakang ho modumedi! Mme ke tsuo e ka kang ho bao ba hanang ho tsamaya Leseding.

177 Ho a futhumala, ha ke re? Ho lokile, Hoo ho molemo ho lona. Lemohang, shebang hore sena ke nnete na. Moena, re ka e nka, Lengolo ka mora Lengolo, veke ka mora veke, veke ka mora veke, le ho dula tabeng ena, ho fihla kwana... sehlooho se le seng, selemo sohle, re ntse re sa kgone ho se hotolla Bibeleng, sohle,omme ntho e le nngwe eo feela.

178 Jwale bakeng sa selelekela se se nyenyane mona, re kgutlela morao ho fumana seo nyediso ya kolobetso ya Moya o Halalelang e se bolelang ho wena, seo e neng e se bolela ho bona mohlang oo.

179 Jwale, ho Ezekiele kgaolo ya 9, moporofeta o bone Jerusalema. Jwale hopolang, re bua ka lekgathe leo mono, Bajuda, pejana feela ho pheletso ya bona.

180 Jwale re ho Baditjhaba, pheletsong ya bona. Re ntoo kena Seketeng sa Dilemo. Ke hantle.

181 Empa jwale elang hloko, o qetella Bajuda jwale. Moporofeta o e bona esale pele. Mona esale dilemo tse lekgolo, dilemo tse ka bang makgolo a robedi, pele ho ho fihla ha Morena, mme e ne e porofetwe ke moporofeta. Jwale mamedisang re sa bala.

*Yaba o nkgweletsa ditsebeng ka ho tlerola, a re,  
Atametsang ba tlang ho otlala motse, le e mong le e  
mong a be le seo a tla hlaba ka sona, kapa seo a tla  
senya ka sona letsohong la hae.*

182 Jwale hlokomelang ruri ha re bala re tswela pele.

*Yaba, ke bona, ho etla banna ba tsheletseng ka . . . monyako o ka hodimo, o lebileng nqela leboya, e mong le e mong a ena le sa hae sa ho thuhaka; mahareng a bona ho ena le monna e mong, a apere diaparo tse tshweu, ya apereng lene, a ena le lenaka la mongodi le tlamilweng lethekeng la hae:ba . . . ema ka pele, pela aletare ya koporo.*

*Yaba kganya ya Morena Modimo wa Iseraele e tlhoa kerubimeng, eo e neng e e okametse, ya ya mohatong wa monyako wa ntlo. A memetsa motho ya apereng ka lene, ya nang le lenaka la mongodi le tlamilweng lethekeng la hae; (mamelang)*

*Mme JEHOVA a re ho yena, Pholletsa ka motse, ka Jerusalema, (ho fihla Jerusalema), o tshwaye phatla tsa batho ba fehelwang . . . ba bobolang . . . ka baka la manyala . . . a etswang hara wona.*

*Yaba hape o re ho bona ke ntse ke le tsebe, Pholletsang . . . ka motse kamora bona, le hlabake: le mahlo a lona a se ke a qenehela, . . . hloke mohau:*

*Bolayang, le be le timeletse maqheku le bahlanka, le dikgarebe, . . . bana ba banyenyane, le basadi:ha e le ba nang . . . letshwao le se ke la mo atamela; hlong o qale ka sehalelelo. Mme . . . ho qala ka banna ba baholo ba leng pela tempele.*

183 Jwale hlokomelang moporofeta Moyeng, a hapetswe Kganyeng. Modimo o itse, “Ke tla o bontsha kamoo Ke tla sebetsana le Bajuda kateng, pele ho kenwa ho Baditjhaba.” Balang temana, kapa kgaolo pele ho yona. Jwale, ha a kena mono, o itse, “Ke bone . . .” Pele, o bone sebe ka hara motse, kamoo a eso se bone pele, le ho bona Jerusalema. Jwale hopolang, e ne e tobile Bajuda feela, e seng Baditjhaba; Mojuda, le motsemoholo wa habo, Jerusalema. Jwaloka bosiuung ba maobane feela, re ne re e tobisitse maProtestanta; jwale, bosiuung bona, ke ho Mojuda. O itse, “Pholletsa ka motse.” Banna ke bana ba etla ka dibetsa tse hlabakang letsohong la bona, ba ya ba hlabaka tsohle motseng. O itse, “Be butleng, motsotso feela.”

184 Mme teng ha tswa Monna ya apereng bosweu. Ha re emeng motsotso. “Ya apereng bosweu,” ho loka, kgalalelo. “Ya apereng bosweu,” Ya neng a nkile lenaka la ho tshwaya lehlakoreng la Hae. A re, “Pholletsa ka motse pele, pele ba fihla, mme o tshwaye phatla, letshwao hodima phatla ya monna e mong le e mong, mosadi, moshanyana, le ngwanana, hara motse, ba fehelwang le ba bobolang ka baka la manyala a etswang motseng, ka baka la dibe tsa batho.” O ba tshwaye!

185 Mme yaba, hoba A pholletse mme a tshwaye, A kgutla mme a re, “Ho phethilwe.”

186 Yaba O roma banna, ho re, “Eyang, mme le se ke la qenehela letho, le mpe le hlabake tsohle tse se nang letshwao leo hodimo tsona.”

187 Sheba mona, moena. Motshwayi eo e ne e le mang haese Moya o Halalelang.

188 Mme lemohang, ha A ka fihla Jeffersonville, bosiu bona, Tabernakeleng ya Branham, kapa tabernakeleng efe feela motseng, kapa kerekeng efe feela, O ne a tla tshwaya mang, ya neng a tshepahala a le kgabane pela Modimo hoo ba bileng ba llang le ho bobola, le ho rapela motsheare le bosiu, ka baka la dibe tsa motse? [Moena Branham o kokota sefaleng habedi—Mong.]

189 O ne a tla etsa'ng ho bareri ba dumellang basadi ba bona ho tswa mona ka disutu tse tolang, le ho itasolla ho ikgamola ka dishoto, le ho nyolosa-le-ho-theosa diterata; le ho bina khwareng, le ho ferefa le ho itshwara jwaloka boJezebele. Mme ereha... Banna ka ntle mono, ba tsubang, le ho nwa, le itshwara ka hore-le-hore, le ho mokola, le ntho tsohle! Mme eka ha ba tsotelle letho ka yona; ho ikela tinareng ya nama ya kgoho, kapa moketjana o mong kae-kae. Ho itulela hae ka bo Laboraro bosiu le ho sheba thelebishene, ho ena le ho ya tshebeletsong ya thapelo. Lehlabula, ba kwala kereke, ditshebeletso. O ne a ka tshwaya eng?

190 Seo re se hlokang, bosiu bona, ke ho bipetsa evangedi ena e ngata ya Hollywood mona! Le tsoseletso ya mehla-ya-kgale, e rometsweng se-Modimo, banna le basadi ba kgasetsang aletareng! Le ho kgaotsa ho tsukutlana ka matsoho hona, le ho phahamisa matsoho, le ho ba nyanyatsa, le ho kolobetsa sefahleho se kodumetse pele, ka seetse, le dibopehonyana tsena tse ding le ditlwaelo. Le ho kgasetsa fatshe ka moya wa nnete, o robehileng, o hlabehileng, moo sebe e leng sebe. Ako kopanye dintho tseo mmoho, mme o qale ho bobola ha mehla-ya-kgale, ngwana ya tswalwang botjha. Amen. Ke wona mofuta o fumanang Moya o Halalelang. Ke hantle.

191 Ho sa tsotelehe hore bao ke Methodise, Baptise, kapa maKatolike, kapa seo ba leng sona! Ha ba fihla pela aletare eo mme ba lla, bosiu le motsheare, “Oho Morena Modimo, sheba dibe tsa motse wona! Pelo ya ka ha e phomole! Ha ke kgone ho phomola, Morena, ho bona dintho tsena tse etsahalang. Oho Modimo, etsa ho hong! Re romelle tsoseletso ya mehla-ya-kgale,” o moeding wa ho amohela Moya o Halalelang ha ho le jwalo, moena! ...? ...

192 Empa ha o nyolohela mono ka hoba feela o qhometse hodimo-le-tlase, kapa ka hoba o tantshitse le mmimo, kapa hobane o entse

ntho e nngwe; le ho tsamaya hohle le ho phatloha, le ho se tsotelle, le ho nyekwetsa melomo, le pheha kgang, le ho ngodisa kerekeng, le ho qhomaka ho tloha sebakeng ho ya sebakeng se seng; o bontsha o sa ka wa fumana letho tshimolohong.

<sup>193</sup> Moena, oo, ke moriana o bohale, empa ruri o tla o phekola. Ke hantle. E, monghadi. O tla le tshedisa, ho se ya fokolang hara lona.

<sup>194</sup> Jwaloka Moshe. Ke rata ho nyarela ka hara kgetsi ya hae ya dihlare, lona le reng? A ena le batho ba milione tse pedi ka ntle mono. Ana le ka rata ho nyarela ka kgetsing ya Moshe ya dihlare, seo a neng a se nkile? Maqheku ao wohle, le masea a makgolo a tswalwang bosiu ka bosiu, le batho ba qhwadileng, le batho ba kulang. Mme hoba a tswe, dilemong tse mashome a mane, keha ho se le a le mong—a le mong ya kulang hara bona. Ana lona dingaka, tse mmalwa tse dutseng mona bosiu bona, le ke ke la rata ho nyarela ka hara mokotla wa hae wa dihlare?

<sup>195</sup> Ha re nyareleng re bone hore ke eng. Jwale ha re shebeng morao. Re tla fumana. “Ke Nna Morena ya o fodisang.” Ke yona. “Amen.” Ke seo e neng e le sona. “Ke Nna Morena ya o fodisang.” Ha re re ngwana o tlilo belehwa. “Ke Nna Morena ya o fodisang.” O tshwerwe ke pneumonia. “Ke Nna Morena ya o fodisang.” E le tsona feela tsa dtaelo tsa ngaka tsee a neng a ka di ntsha. E le tsona feela tsee a neng a di hloka. E le sona feela to seo a neng a ena le sona. Ke yona ntho eo Modimo a ne a mo file yona.

Ehlile, kajeno, “Oh, ha re dumele Ntho eo. Tjhe, hoo . . .”

<sup>196</sup> Modimo ha o fetohe le ka mohla. Esale Yena. Efela ha moy'a wona, kamoo batho ba itshwarang kateng kajeno, tlasa lebitso la Bokreste, ho kudisitse Modimo maleng a Hae morao mono, e ne e le “manyala” ho batho ho etsa jwalo, ke manyala le kajeno. “Jesu Krete yena maobane, kajeno, le ka ho sa feleng.” Oh, ke ikutlwa ke halalela.

<sup>197</sup> Lemohang, “Eya mona,” A rialo, “Pholletsa ka motse mme O tshwaye ba fehelwang ba bobolang ka baka la manyala a etswang hara motse.” Mme yaba O re, “Hoba O qete ho etsa jwalo,” A lokolla banna bana ba tshwereng seo ba hlabakang ka sona, mme ba haola ba hlabaka ntho tsohle.

<sup>198</sup> Jwale, ranalane, motsotso feela. Jesu o tlile ka nama; Modimo, a bonahetse nameng. “Modimo o no o le ho Krete, o kgutlisetsa lefatshe ho Wona.” Mme eitseha A fihla ka nama, A tsamaya hohle a ruta. Ba Mmitsa “Belsebule; senohe-ramahlonolo.” Ba Mo soma, ka tswalo ya Hae, le ntho ka nngwe; ho Mo hana, ho Mo lelekela ka ntle.

<sup>199</sup> A re, “Mang le mang ya sebang Mora motho, o tla tshwarelwa hona, empa mang le mang ya sebang Moya o Halalelang, a ke ke a tshwarelwa hona, lefatsheng lena leha e le lefatsheng le tlang ho tla.”

200 A nto bitsa Bajuda ba mmalwa mmoho. Ha A ka a ya ho Baditjhaba. A ya ho Bajuda. O ne a rometswe ho Bajuda; e ne e se lekgathe la Baditjhaba. Kandelare ya ho qetela e ne e tuka mongwaheng wa Bajuda, mme A ya teng. Mme ha ba le batho ba mmalwa ba Mo amohelang, ba bitsitsweng.

201 Ho tshwana le kajeno hantle. Jwalokaha Moya o Halalalang o buile ka Jesu Kreste, ho e bitsa mohlang oo; Moya o Halalalang o sa bua ka Jesu Kreste, ho bitsa, kajeno.

202 Ba ne ba dumela dinthong tse mohlolo. Ba ne ba beile Moetapele wa bona leihlo. Ba ne ba Mmeile leihlo. Ba tsebile hobane E ne e le morena wa baporofeta. Ba tsebile sohle seo A neng a le sona. Seo A se buileng, Modimo wa se thasisetsa wa re ke Nnete. Ba tsebile hore ba ne ba tshwere Nnete. Ba tsebile Eo ba neng ba dumela ho yena, mme ba tswelapele le Jesu.

203 Yaba ba Mo thakgisa. A re, “Ntate, ba tshwarele, ha ba tsebe le seo ba se etsang.”

204 Empa Letsatsi la Pentekosta ha le se le fihlile, ha ba le sehlotshwana, batho ba bobolang, ba lla ba itshwere jwalo. “Mme Letsatsi la Pentekosta ha le se le fihlile . . .”

205 Hang moprista a tla a nyoloha ka tsela, ka lebokose la kosha, lebokose la selallo, ho re, “Ntsha leleme la hao jwale, mme nna ke tla nwa veine” ? Dithole tse kakang! Moreri wa moProtestanta a tla a nyoloha ka tsela, le ho re, “Re tla otlolla letsoho le letona la bolekanane, le ho o thibela dikgwedi tse tshelletseng”? Huh! Dithole! “Ke tla o fafatsa. Ke tla o kolobetsa. Ke tla nka ka mokgwa *wona*, ho o kenya kerekeng, ho o otlolla letsoho le letona la bolekanane” ? Dithole!

206 “Empa Letsatsi la Pentekosta ha le se le fihlile, hang ha hlaha Lehodimong moya o kang o fokang ka sefefe, mme ntlo yohle eo ba dutseng ho yona ya tla Wona. Maleme a arohaneng a kang malakabe a mollo, a dula hodima bona.” Ba qala ba kwakwaetsa, le ho holoketsa, le ho tshwehla makweba, le ho kgaphatsa mathe, le ho etsa jwalo.

207 O re, “Lekgale!” Ke tla o kgodisa yona ka Bible. E, monghadi. “O mpoella hore ke sona seo ba se entseng?” Ke seo Bible e se boletseng.

208 Ana le tsebile hoba Esaia o porofetile? A nke ke o balle nthwana ho Esaia mona, motsotso feela. Esaia, kgaolo ya 28, le ho qala ka temana ya 8.

*Hobane ditafole tsa bona tsohle di tletse mahlatsa . . .*  
(ho buua ka tsatsi lena) . . . *le ditshila*, sebaka se sa sale. (Moena, ha eba e ne e se setshwantsho sa Mojuda seo! )

*O tla ruta mang bohlale? o tla utlwisa mang thuto?*  
(re bua ka Thuto, bosiuung bona) . . . *hleka ke bao ba sa tswa kgweswa, kapa bao ba tlositsweng letsweleng.*

*Hobane ke molao hodima molao, molao hodima molao; taelo hodima taelo, taelo hodima taelo; . . . (ke kamoo Evangedi e tlang kateng, ho tloha ho Genese ho fihla ho Tshenolo! )*

*Ka baka leo, ke ka mehlomo o kokotletsang le ka puo ese le Ke tlang ho bua le setjhaba sena.*

*. . . mme mona ke qalo ya phomolo, kgotso eo Ke e boletseng e tla fihla. Mme leha ho le jwalo ba hanne ho utlwa, ba mpa ba ikela, ba tsokotsa hloho tsa bona.*

209 Ke moo he. Ke seo A se buileng. E ne e se lentswe la ka; ke Lentswe la Hae. Le fetole, ha o kgona. Le ke ke la fetolwa. O itse, “Molao hodima molao; taelo hodima taelo; hanyenyane mona le hanyenyane mono.” Evangedi yohle e tlamehile ho nntshwa.

210 Evangedi e tletseng e tshwanetse ho qala mona, mme ba ile ba e rera. Mme hoba ba ho etse, Matla a Moya o Halalelang a fihla.

211 Mme Bajude bao ba ne ba ile ba soma Jesu, empa ba tsheha, ho re, “Ha-ha-ha! Batho bana ba kgotshe veine e tswai.” Ba tiisa bofelo ba bona bo sa Feleng. Ba re, “Ho ya kang ha re utlwa ka puo ya rona, mesebetsi e makatsang eo ba buang ka yona? Kgele, batho bana ba kgotshe veine e tswai. Ha-ha!” Ba tsheha mme ba soma.

212 Mme Petrose, mohalaledinyana eo ya thethehang, moreri wa sefala sa lebokosana la sesepa, ya inkelang lebokose la sesepa, a ntso qhomela hodima lona. Ho re, “Lona banna ba Judea, le lona ba ahileng Jerusalema, ho ke ho tsejwe ke lona, mme le ke le utlwe lentswe la ka. Empa hona—hona ke hwane ho boletsweng ke moporofeta Joele. Batho bana ha ba kgora veine e tswai, kamoo le lekanyang, hoba esale hora ya boraro ya letsatsi. Empa hona ke Hwane.” A boela a supa morao Bibeleng. Hangata ke itse, “Efela ha hona e se Hwane, ke tla boloka hona hofihlela Hwane ho fihla, ha ntho e fapaneng e fela e le teng.” Hantle. Ho re, “Hona ke hwane ho boletsweng ke moporofeta Joele. Mehlang ya bofelo,” dilemo tsa ho qetela tse dikete-pedi.

213 Dilemo tsa pele tse dikete-pedi, lefatshe la na la sennwa ka morwallo. Dilemo tsa bobedi tse dikete-pedi, Krete a fihla. Dilemong tsa ho qetela tse dikete-pedi, “Ke tla tshela Moya wa Ka.” Alleluia! E seng “Ke tla ruta bareri ba mmalwa le ho roma baprista ba mmalwa.”

214 “Empa Ke tla tshela Moya wa Ka ho tswa Hodimo; bara ba lona le baradi ba lona ba tla porofeta; Ke tla tshela Moya wa Ka hodima bahlanka ba lona le magabunyane a lona, mme ba tla porofeta. Ke tla bontsha dipontsho hodimo mahodimong, le tlase lefatsheng.” Ke seo e neng e le sona. E ne e le hlomamiso.

215 Mme Bajuda bao ba tsheha mme ba soma, le ho re, “Ba kgotshve veine e tswai.” Hoo ha maneha tiiso hodima pheletso ya bona.

216 Ka A. D. 96, ha fihla Titase, a theoha karolong, Jerusalema o ile a thibellwa ke makgotla. Mme le tseba se etsahetseng? Bajuda bao ba itse, “Jwale re tla kgutlela tlung ya Morena.”

217 Empa bao ba kileng ba lemoswa le ho tlaswa ke Moya o Halalelang. . .

218 Jwalokaha Josefase a boletse, “Batho bao ekang madimo, esale le eja mmele wa Jesu enwa wa Nazaretha.” Ho re, “Ba ile ba pata mmele wa Hae, mme ba ne ba ntse ba o ja.” Ba ne ba ja selallo. Ho re bao, sehlopha seo morao mono, “Bahanyetsi bao.”

219 Ana le tsebile hore batho bao morao mono ba bitsitswe “mohanyetsi”? Le tseba hoo? Le tseba seo *mohanyetsi* a leng sona? Motho ya “hlanyang.” Ee. Shebang Mohalaledi Pauluse.

220 Jwale, lona batho, lona—lona Baptise le rata ho re, “Mohalaledi Pauluse, oh, ke a mo dumela.” Lona maKatolike le re, “Oh, Mohalaledi Pauluse,” le bile la aka maoto a hae a mabedi kapa a mararo a ba a fela tu, diemahale tseo tse Roma. “Mohalaledi Pauluse! E, monghadi!”

221 Shebang seo Mohalaledi Pauluse a se buileng mohla a emeng pela Agrippa. A re, “Ka mokgwang o bitswang bohlanga,” mohalaledi ya thethehang, “ke kamoo ke rapelang Modimo kateng.” Amen.

222 Nka be ke ratile ho kopanya matsoho le yena; ke re, “Le nna ke dumela ka ho tshwana, Pauluse! Alleluia! E, monghadi, ntho e tshwanang! Ho se ho fetile dilemo tse sekete le makgolo a robong, Pauluse. Ke sa ntse ke dumela ntho e tshwanang!” Ke sa ntse ke ena le Moya o Halalelang; dipontsho tse tshwanang, mehlolo e tshwanang, ntho ka nngwe ka ho tshwana; e sa ntse tswelapele, Moya o Halalelang o tshwanang, ho tshwauwa ka ho tshwana hofihlela (neneng?) tsatsi la topollo.

223 “Evangedi ena e tla bolelwa. . .” Eng? “Evangedi!” Evangedi keng? E seng “Lentswe feela.” [Moena Branham o kokota hane sefaleng—Mong.] Pauluse o itse, “Evangedi e tla ho rona, e seng ka Lentswe feela, empa le ka Matla le ka diponahatso tsa Moya o Halalelang Evangedi e a tla.” [Moena Branham o kokota hararo sefaleng.]

224 Pauluse o itse, “Ha kea ka ka tla ka thuto e itseng ya koleshe ya thupelo, ho tla ka mantswe a kgabisitsweng, hore poloko ya lona e tle e thewe hodima mantswe a matonana le melomong e mathemalodi, le melaong e itseng e lesHOME kapa tumelo ya baapostola, kapa ntho e kang eo. Ha kea tla ho lona jwalo. Empa ke tiile ho lona ke tseba ntho e le nngwe, Matla a



tsoho ya Jesu Kreste, le ponahatso ya Moya o Halalelang.” Allelua! Modimo re fe boPauluse ba bang, ka ditebele tse kgolo, tse matla tse E behang mono ka Evan- . . . ba sa kenya diatlana tse itseng tsa thuto ya koleshe. Amen. Tiiso ya Modimo! Amen.

<sup>225</sup> Jwale, re na le nako e kae? E ngata, ha ke re? [Phutheho e re, “Amen.” —Mong.] Ke seo ke ne ke se nahanne. Ho itoketse. Hosane ke Moqebelo, ha ho mang hara lona ya sebetsang. Ho lokile. Ho lokile. Hopolang, feela—feela metsotso e mmalwa.

<sup>226</sup> Rapela! Lemoha, moena, ena ke nako e mahlonoko. Ena ke nako eo re be re loketse ho itlahlaba. Ha kea ema ho iketsa seswaswi. Hola ke le sona, nke be ke ya aletareng ho baka. Mohlomong ke itshwere jwaloka seswaswi ho ba bang ba lona, empa ha kea ikemisetsa hona. Ke itshwara bosawana, hang ka nako; ha nka ke ka ithusa mono. Ntho e ye e mphihlele, e nketse jwalo, ka baka leo ha nka ke ka ithusa mono. Empa ka pelong ya ka, moena, ke E dumela ka pelo yaka yohle. Esale ke rera Hona dilemo tse ka bang mashome a mabedi le ho hong sefaleng sena, lefatshe ho pota, mme Modimo wa E thasisetsa ka dipontsho le meeka. Amen. “Jesu Kreste yena maobane, kajeno, le ka ho sa feleng.” E.

<sup>227</sup> Jwale O itse, “Ba bang ba tshwereng dibetsa ba tswele ka pele.” Ba hanne ho amohela letshwao leo. Mme A tswa, mme Titase a thibella marako a Jerusalema, mme ba mathela ka hara motse; ba ba bolaisa sekoboto ka mono, ho fihlela ba pheha bana ba ba bang mme ba ba ja. Ba eja makgapetla a sefate, jwang bo fatshe. Mme qetellong ba lokela ho inehela. . . Titase, eitseha a kena ka hara Jerusalema, a senya ntho tsohle ka mono, a bolaya, basadi, bana, masea, baprista, ntho efe feela, le ho tjhesa motse.

<sup>228</sup> Mme Jesu a re, “Nako ya tla eo ho sa tlo hlola ho siiuwa lejwe le le leng.”

<sup>229</sup> Ho re, “Shebang kathederae ya rona e kgolo. Moena, rona re Baptise, kapa Methodise, kapa maPentekosta, kapa eng feela.”

A re, “Ha ho lejwe le tla siiuwa hodima le leng.”

<sup>230</sup> Ho a bontsha hore “Modimo ha o ahe matlung a entsweng ka matsoho.” Modimo o haha dipelong tsa batho. “Hobane Wena o Ntokiseditse mmele.” Moya o Halalelang ha o ahe ka hara ntlo. O dula ka pelong. Ke yona tempele. “Ana ha le tsebe hobane le ditempele tsa Modimo o phelang?” Amen. Ho aha tempele, ho aha kereke, tumelo ya hao yohle e theilwe tempeleng kapa kerekeng ya hao, seseto sa lehong, ho amohela letshwao la sebata athe ha o tsebe. Ke hantle. Ho oka-oka le ho qeta nako ya hao yohle, bareri, ho tshehetsa mokgatlo wa lona, le ho haba diheleng le yona ka kotloloho kamoo ba ka yang kateng.

<sup>231</sup> Kea o bolella, moena, ke nako ya hore banna ba phaphame mme ba rere Evangedi ka Matla a Moya o Halalelang, neneng hohle, a re biletseng Methodise, Baptise, Presbeteriene, Katolike, le bohle, sefapanong sa Jesu Kreste.

<sup>232</sup> Jwale, o re, modisa wa kgale o ne a jara makgeha a dinotshi, a a tlotse hodima lejwe. Enereha nku e nyeka, e ne e fola.

<sup>233</sup> Moena, ke tshwere kgetsi e tletseng wona mona, bosiuung bona. Mme ke tla a tlotsa hodima Lefika, Kreste Jesu, mme manku a kulang a ka nyeka mme a fola. Ke hantle. Moena, mamela, e seng ho ya a tlotsa hodima kereke efe feela. Hase a kereke efe feela. Madulo a wona ke hodima Kreste. Ke hantle haholo.

<sup>234</sup> Ho hwama! “Oh, ee, re dumela ho Kreste.” Mesebetsi ya hao e paka seo o se dumelang.

<sup>235</sup> Jesu o itse, “Mehlolo ena,” s-h-a, bo l ba babedi, “e tla tsamaya le ba dumelang, ho isa bofelong ba lefatshe. Mme ka Lebitso la Ka ba tla leleka matemona, ho bua ka dipuo tse ntjha; ha ba tshwara noha, kapa ba nwa ntho e bolayang, e ke ke ya ba ntsha kotsi. Ha ba bea matsoho a bona hodima ba kulang, ba tla fola.” Ke seo Jesu a se boletseng. Ke Mantswe a ho qetela a weleng molomong wa Hae. Mme A ntoo nyolletwa hodimo Lehodimong.

<sup>236</sup> Mme batho ba tswang, ba dumela mme ba rera Phodiso ya Kgalalelo, le matleng a Modimo, lefatshe le ba bitsa “mahlanya.” Mme Bible e itse, “Efela ha ba bitsa Monga ntlo ‘Belsebule,’ ke hakakang ba tlang ho bitsa bao, barutuwa ba Hae?”

<sup>237</sup> Ba ahlotswa, ke bao moo ba robetseng, bohle ba shwa hantle feela. Empa Josefase o itse, “Batho bao ba . . . bao—bao ba mofuta wa Bokreste, ba ne ba tlohile Jerusalema ho ya Judea, mme ba phonyoha kgalefo ena.” Jwale moo e ne e le Mojuda, pheletso ya Mojuda.

<sup>238</sup> Ka potlako jwale, metsotso e mmalwa e latelang, ha re qetelleng Baditjhaba, ka potlako ruri. A re phetleng kwana ho Ditshenolo kgaolo ya 7, moo re tla qetella lekgathe la Baditjhaba. Ho bona hore sena se lokile kapa tjhe. Ke hona moo moporofeta wa Ezekiele 9 a porofetileng pheletso ya mongwaha oo; jwale mona Moya o Halalelang o porofeta pheletso ya mongwaha *wona*. Mamelang ka hloko jwale ke sa bala ka kelohloko.

*Ka mora tseo . . .*

<sup>239</sup> Tshenolo 7 jwale, “Ka mora tsena ka bona mangeloi a mane . . .” E ne e le bakalli ba dipere ba tswileng, kgaolong ya 6, le kamoo ba tswileng kateng; pere e tshela, le pere e ntsho, le pere e kgubedu, le jwalo-jwalo, etswe, bakalli bao esale ba kaletse naheng ka nako e telele.

*...ka bona mangeloi a mane a eme dikgutlong tse nne tsa lefatshe, a thibetse meya e mene. . .hore ho se ke ha eba ba fokelang hodimo lefatsheng, le lewatleng, leha e le sefateng se le seng.*

240 Jwale elang hloko pono a e boneng pele.” Ka bona mangeloi a mane a eme dikgutlong tse nne tsa lefatshe,” dibaka tse nne mopotolohong wa lefatshe, lengeloi, le thibetse meya e mene. *Mangeloi* ke “baromouwa.” Bibeletse e itsalo. Mme meya ke “dintwa le kgohlano.” Le ne le thibetse meya e mene, mona, . . . ? . . . Jwale shebang, temana ya 2.

*Ka bona lengeloi le leng le nyoloha botjhabatsatsi, le tshwere (l-e-t-s-h-w-a-o, mosebetsi o phethilweng, ka mantswe a mang) . . . le tshwere letshwao la Modimo o phelang:la phahamisa lentswe la howeletsa mangeloi. . . a neng a neilwe, . . . ho senya lefatshe le lewatle,*

*La re, Le se ke la senya lefatshe, leha e le lewatle, . . . le difate, re eso ho tshwaye bahlanka ba Modimo wa rona phatleng tsa bona.*

241 Hlokomelang, ke tla bala ke theoha.

*Mme ka utlwa palo . . . ba tshwailweng: ba tshwailweng e—e. . . ba tshwailweng e le dikete tse lekgolo le nang le mashome a mane a metso e mene. . . ba tshwailweng molokong yohle ya—ya . . . molokong yohle ya bana ba Iseraele.*

242 “Ba leloko la Juda, leshome le metso e mmedi. . .” le ho theoha jwalo, le “Benyamine,” le “Gade,” le “Rubene,” ho theohela jwalo ho “Sabulone,” le ho theoha ho isa melokong e leshome le metso e mmedi, qetellong ya temana ya 8. Mme leshome le metso e mmedi makgetlo a leshome le metso e mmedi ke eng? [Phutheho e re, “Lekgolo le mashome a mane a metso e mene.”—Mong.] Lekgolo le mashome a mane a metso e mene. “Dikete tse lekgolo le mashome a mane a metso e mene,” tsa Bajuda bohle. Jwale, hlokomela.

*Mme ka mora tseo ka tadima, mme, ka bona, bongata bo boholo ba batho, bao ho seng motho ya ka tsebang ho ba bala, ba mefuta yohle, dipuo, le ditjhaba, . . .*

243 Ba ne ba nyoloha kae? Le a bona, rea bona moo Bajuda bao ba leng teng pheletsong; mme mohla mangeloi a laelwang ho tswa ho ya senya, ho boletswe mona, ho bona le ho “thibela.” Empa bana ba ne ba tswa kae, ba mefuta yohle, dipuo, le ditjhaba. Ba ile ba hlahella temeng.

*. . . le batho, le ba dipuo tsohle, ba eme pela Konyana, le pela . . . ba ne ba apere. . . Konyana, ba apere diaparo tse telele tse tshweu, ba tshwere dipalema letsohong la bona;*

244 Monyaduwa, Monyaduwa wa Moditjhaba o ne a se a tshwailwe a qetilwe mona. Hlokomela.

*Ba ntse ba howa ka mantswa a phahamileng, ba re, Poloko ke ya Modimo wa rona ya dutseng teroneng, le ho Konyana.*

*Mme—mme mangeloi...a neng a eme a teetse terone,...baholo,...dibopuwa tse phelang tse nne hare,...a wa ka difahleho pela terone, a rapela Modimo,*

*A re,...(Utlwang, ha eba e se seboka sa Moya o Halalelang sena! ) A...Dipoko, amen, kganya,... bohlale,...teboho,...hlompho,... borena,... matla, ho Modimo wa rona mehleng le mehla. Amen.*

245 Ha e ke seboka sa moetlo sa kgau ya unibesithi, ho nna. Ekare modumo wa tsholoho ya mehla-ya-kgale, ya Moya o Halalelang, ho nna. Batho bao ba kile ba fihla kae-kae; ba tsebile seo ba lokelang ho se etsa ha ba bona Konyana e dutse Teroneng.

*Yaba e mong wa baholo...ho re ho nna, Bana...mme ba apereng diaparo tse telele tse tshweu tse hohobang ke bomang? mme ba tswile kae?*

246 Jwale u tsebile Bajuda bohle, empa bana ba hlahile kae, “mefuta yohle, dipuo, le ditjhaba” ? Lemohang.

*Ka re ho yena, Monghadi, ho tseba wena. (Johanne a re, “Nna ha ke tsebe.”)A re ho nna,...*

247 Bana ke bona bao ba neng ba ena le Hono, kea kgolwa. Ho lokile.

*...Ke ba nyolohileng mahlomoleng a maholo,(ho bitswa “mohalaledi ya thethehang,” ho songwa, ho hloriswa, ho tsheduwa)...ba nyolohileng mahlomoleng a maholo, ba hlatswitse diaparo tse telele tsa bona, ba di sweufaditse mading a Konyana. (Lemohang! )*

*...ba leng pela terone ya Modimo,...*

248 Mosadi o dula kae? Mofumahadi o dula ho kae? Ke Monyaduwa eo, Monyaduwa wa Moditjhaba.

*...mme bao ba o sebeletsa motsheare le bosiu tempeleng ya wona:...*

249 Mosadi wa ka o ntshebeletsa tlung ha ka, motsheare le bosiu. Le a bona? Ke Monyaduwa wa Jesu eo; ke Monyaduwa wa Baditjhaba.

*...mme ba dutseng hodimo teroneng o tla ba sireletsa.*

*Ha ba sa tla hlola ba lapa,...*

250 Allelua! Mehla ya mosebetsi e fetile. Be, re kile ra fetwa ke dijo hangata, empa Mono ha re ka ke ra fetwa ke tsona le hang. Amen.

251 Kea tseba mme, mothwana wa batho ya tsofetseng, o dutse mona bosiueng bona. Mme nkile ka mmona a ema tafoleng. Re ena le kofi le dikokotwana tsa bohobe. A ntsoo di nyanyatsa hodimo, a di noke ka tswekere. Mme ho se ntho e lekaneng; bana ba lle, mme ba eme ba tsamaye. Empa Mono ha ho sa tla ba jwalo ka rona! Ntate wa ka wa kgale o ne a robetse diphakeng tsa ka, ka nqane ho seterata, ka ntle kwana, mme a shwa, a lapile.

252 Empa ha re sa tla etsa jwalo. Allelua! Tjhe, monghadi. Tlala ha e sa tla ba teng.

*Ha ba sa tla hlola ba lapa, leha e le hore ba nyorwa . . . ha ba sa tla hlola ba batwa ke letsatsi, . . .*

*Hobane Konyana e hara terone e tla ba alosa, mme e tla ba isa didibeng tsa metsi a mangata a bophelo: mme Modimo o . . .hlakola meokgo yohle mahlong a bona.*

253 Ba ka nna ba lokela ho lla nakwana le ho itshwara jwalo, ha Moya o Halalelang o fihla. Empa Modimo o tla hlakola dikeledi tsohle mahlong a lona.

254 Hlokomelang, o bone “mangeloi a mane a eme dikgutlong tse nne, a thibile meya e mene.” Ka potlako jwale. Nako ya ka e fedile, empa ere ke le fetisetse ntlha ena, pele ke kwala. Shebang, o bone mangeloi a mane. O bone ho kwalwa ha kereke ya Bojuda, kamoo a a boneng a etla ka ho tshwana; ho tla ka dibetsa sa hae tse hlabakang, lekgotla leo.

255 Jwale elang hloko. Kereke ya Moya o Halalelang e ile ya amohela letshwao la mofuta ofe, e le letshwao phatleng tsa bona? E ne e le pontsho ya semoya. Moya o Halalelang ke wona o ba tshwaileng. Na ke nnete? [Phutheho e re, “Amen.” —Mong.] Ha A ka a tlapisa nyao hloohong tsa bona. Na O entsa jwalo? [“Tjhe.” ] Tjhe.

256 Ha ba ka ba timetswa ke naha e itseng e kgahlano le borapedi. Ba timeditswe ke ba habo bona. Le bona seo ke se bolelang? Kereke ya nnete ya Modimo o phelang e tla ahlolwa ke Katolike le Protestant, hoba di tla kopana mmoho. Di se di kopane bonngweng, e le mme le moradi.

257 Empa bana, *mona*, e ne e se bona. Hape, bonang seo A se entseng. O itse, “Ba tshwaye phatleng tsa bona.” E ne e le letshwao la mofuta ofe? Ke tla le balla yona, Diketso 2. “Bohle ba ne ba le kgopolo e le nngwe ba le tulong e le nngwe. Mme hang ha fihla modumo, Lengeloi le tswang Lehodimong.”

O re, “Lengeloi e ne e le modumo?”

258 E ne e le eng, Davida o kile a etellwa pele ke eng, mohla a utlwanng ho tsukutleha ha mahlaku, mahlaku a monokotshwai,

ka bosiu boo mohla a tshabang ho tswa?" Ba utlwa modumo o tswang Lehodimong o kang moya o fokang ka sefefe," Modimo o ba eteletse pele.

<sup>259</sup> "Mme hang Moya o Halalelang le Matla tsa ba hlahela." Ba tswa ba kena diterateng, ba tlolaka ba qhomaka, mme ba bua ka dipuo, le ka melomo e holoketsang, mme ba howeletsa, mme eka matawa, mme e mong le e mong a nyakaletse feela mme a boka Morena Modimo. Na ha ho jwalo?

<sup>260</sup> Modimo o sebetsa jwalo ha A theola Matla a Hae ka kolobetso ya Moya o Halalelang. Mme Wa kena hantle mono, mme Molaetsa ke oo o tswa! Allelua! Mme ba hweletsa ba hlaba ditlatse, mme ba bua ka dipuo, mme ba tswela ka ntle mono. Mme e ne e le letshwao leo Modimo a le beang hodima batho. Na ke nnete? Modimo wa bea letshwao, mme Modimo o tla bea letshwao la mofuta oo hodima batho ba Wona kajeno. Yona tiiso ya Modimo e beilweng hodima bona mono, tlasa kolobetso ya Moya o Halalelang, e ne e le tiiso ya Modimo.

<sup>261</sup> Ke batla ho le botsa taba, kereke. Bible e re letshwao la Modimo, tsatsing leo, e ne e le kolobetso ya Moya o Halalelang. Tiiso e neng e le hodima batho, ho ba etsa ba kgethehileng ho ba bang, e ne e le kolobetso ya Moya o Halalelang. Ke hantle? [Phutheho e re, "Amen." —Mong.] Testamente e Ntjha e boletse, ho Baefese 4:30, hore Moya o Halalelang ke tiiso ya Modimo, ho batho matsatsing a qetelo, ho isa pheletsong ya hao e sa Feleng. Na ho jwalo? ["Amen." ] Etlaba Moya o Halalelang o ne o lokile.

<sup>262</sup> Jwale, re bile le mongwaha wa Methodise, re bile le mongwaha wa Baptise, re bile le tokafatso, re bile le kgalaletso. Re bile le dintho tsena tsohle, tse ileng tsa tla.

<sup>263</sup> Mme hantle dilemong tse ka bang mashome a mane tse fetileng, ho ile ha ithutwa ka kolobetso ya Moya o Halalelang kgetlo la pele Dinaheng tse Kopaneng. Ke hantle? Dilemong tse ka bang mashome a mane tse fetileng, mohla batho ba qalang ba amohela . . .

<sup>264</sup> Jwale, ba ne ba tlwaetse ho o bitsa mosebetsi wa bobedi o tiileng wa mohau, kgalaletso. "Kgalaletso," e lokile.

<sup>265</sup> Lefiso le tshwanetse ho nnkuwa pele, ho thonakwa. Le kgenathetse setse hohle. Lea lokafatswa, hobane e—e monna o le thonakile.

<sup>266</sup> Ntho e latelang, le tlamehile ho—ho hlwekiswa le ho hohlwa. Lentswe *halaletsa* le bolela "se hlatsuweng, le se kgethetsweng ka thoko ho sebediswa." Empa "ho kgethela ka thoko *ho sebediswa*" hase hore o *kentswe* tshebetsong.

<sup>267</sup> Mme yaba Jesu o re, "Le lehlohonolo ha le lapela le nyorelwa ho loka, hobane le tla kgoriswa." Le a bona, Moya o Halalelang o theohetse hodima ba halaleditsweng, ka nnete, ka

sebele, modumedi ya halaleditsweng. Mme mehlolo le meeka di qala di iponahatsa hang feela ha lefiso le halaleditsweng leo le loka, mme Moya o Halalelang o kena ka ho lona. Le bona seo ke se bolelang?

<sup>268</sup> O ke ke wa ntsha oli ka hara botlolo eo empa oli e le siyo ka mono, ho sa tsotelehe botlolo e hlwekile ha kae. O ke ke wa hotolla ho bua ka dipuo, le phodiso ya Kgalalelo, le Matla a Modimo, nthong eo ho seng letho ho yona. Moya o Halalelang o ne o loketse ho tlišwa, mohlang oo.

<sup>269</sup> Shebang, dilemong tse ka bang mashome a mane tse fetileng. . . A re nahaneng morao. Re a sheba, ka mathoko. . . Shebang ka hloko. Ho ile ha tswa mmusisi e moholo, Ntwa ya Pele ya Lefatshe; kgetlo la pele historing ya lefatshe, ntwā ya lefatshe. A qala a lebile ho kae? Hantle ka ho toba ka hara Jeremane. Ha etsahala eng? Ho a makatsa; ha ho motho ya tsebang, ho fihlela tsatsi lena, hore e emisitse jwang. Ha ho motho ya tsebang. Balang *The Decline Of The World War*. Volume e nngwe le e nngwe, ke e badile. Ha ho motho le a mong. . . Ntho eo ba e tsebang feela, ho tswile taelo, “Ineheleng!” Ha ho motho ya tsebang hore e ntshitswe ke mang. Hobaneng?

<sup>270</sup> Oho Modimo! Le sa tla mpitsa “mohalaledi ya thethehang,” le hona, nka mpa ka hla ka hlalosa maikutlo a ka. Shebang! Ke leboha hakakang ha Moya o Halalelang o le teng mona kalaneng, ho senola.

<sup>271</sup> Lemohang. Elang hloko. Ba ile ba tswa, moya o mong le o mong wa fokela lefatsheng, dibetsa tsa sejwale, ho ripitla ntho ka nngwe ho e timetsa ntweng ya lefatshe. Empa, hang, ya emisa. Ditshenolo kgaolo ya 7, e boletse, “Ka bona ho theoha mangeloi a mane ka dibetsa tsa wona tse hlabakang. Mme ha hlaha Monna botjhabatsatsi, a tshwere tiiso ya Modimo o phelang; ho re, “Thibelang meya e mene.”

<sup>272</sup> “E thibeleng,” hobaneng? Bajude ha ba eso fihle seabakeng se nepahetseng le jwale. Thoriso! Bajuda ha ba eso fihle seabakeng se nepahetseng, kamoo Modimo a tshepisiseng. O ba boletse moo ba tla ba teng, ho ema kwana. O itse, “Ha le bona sefate sa feiga se hlahisa makala, le tsebe hobane nako e haufi.” Mme ha le bona Bajuda ba kgutlela Palestina, tsebang hobane nako e haufi. Moloko wona o ke ke wa feta ho eso phethahale dintho tsohle.” Mme, moena, dilemong tse supileng tsa ho qetela ke kgetlo la pele folaga ya Bajuda e kileng ya fokaela, dilemong tse dikete tse pedi, hodima Jerusalem; e, dilemong tse dikete tse pedi le makgolo a mahlano. Amen. Bajuda ba ne ba eso dule ka nepo moo e neng e ka etswa, empa O itse, “Thibelang! Thibelang!”

<sup>273</sup> Hobaneng, hobaneng “thibelang” ? Hlokomelang, ho ne ho sa na le Baditjhaba ba mmalwa, pakeng tsa mongwaha wa Wesele le mongwaha wa Pentekosta, ba neng ba loketse ho

kena. Pele Pentekosta e kena Mongwaheng wa Kereke ya Laodisea, ho bile le “monyako o butsweng” o beilweng pela kereke; monyako o butsweng, ho “Mang le mang ya batlang a tle a nwe feela Sedibeng sa metsi a Bophelo.” Monyako o butsweng, o beilweng. Oh, kgidi!

Mme A re, “E thibeleng!” Hobaneng?

<sup>274</sup> Jesu o itse, “Motho o kile a tswa mme a sebetsa. Mme monna e mong le yena a tswa, ka hora e nngwe, mme a sebetsa. Monna e mong a tswa mme le yena a sebetsa. Mme ka hora ya leshome le motso o mong ha tswa monna e mong. Mme yare hobane a emise ka hora ya leshome le motso o mong, a nea e mong le o mong wa bona kabelo e lekanang, hora ya leshome le motso o mong.”

Ba ile ba ipotsa lebaka. “Hobaneng yena, a nkile hora ya leshome le motso o mong, motho e mong le e mong a kena ka hare?”

<sup>275</sup> Martin Luther ya sebeditseng, o tsamaile tlasa lekgathe la Luthere, a shwa ka mohau! . . .? . . .ba bang, maMethodise a howeletsang, ba shwele tlasa mongwaha wa Wesele, ba shweleng tlasa mohau. Re phela mongwaheng o mong, e seng morao mane. Mona! Mme o na ye a kene ka koloi ya dipholo, mme rona re kena ka moetso wa V-8 Ford, e batlang e fehlwa ke jete. Ke hantle. Re phela mongwaheng o fapaneng, ka botlalo. Mme re phela lekgatheng le fapaneng. Re phela tsatsing la kgutlisetso ya Matla a Modimo, mme hantle mona re bona Matla a Modimo jwaloka ha ba entse ho qaleng. Re phela mongwaheng o mong. Le se shebe morao mono ho Wesele, Methodise, le ho bao bohle, Baptise, le Presbeteriene. Shebang mona ho Jesu Krete, Moqadi le Mophethi wa Tumelo ya Bibe. Allelua!

<sup>276</sup> Jwale Mo shebeng, ho re, “E thibeleng,” ho fihlela (eng? ) batho ba hora ya leshome le motso o mong ba ka kena, pitso ya ho qetela ya Baditjhaba. Mama o sebeditse *mono*; nntate le bao ba sebeditse *mona*; nkgono o sebeditse morao *mono*. Wona ke mongwaha wa rona, hora ya leshome le motso o mong. Ntwa eo ya Lefatshe e emisitse ka kgwedi ya leshome le motso o mong selemong, ka letsatsi la leshome le motso o mong la kgwedi, ka hora ya leshome le motso o mong ya letsatsi, le ka motsotso wa leshome le motso o mong wa hora; hore batho ba hora ya leshome le motso o mong ba tle ba kene, (eng? ) ho amohela yona kolobetso ya Moya o Halalelang eo ba e amohetseng morao *mona* tshimolohong, ho kgutlisa Matla le tsoho ya Morena Jesu Krete, dipontsho tse tshwanang le meeka.

<sup>277</sup> Ke eng? Dintwa di hohlana *mona*, ho hohlana *mono*; ho hohlana *mona*, ho hohlana *mono*; ho leka ho . . .Ho hahuwa dibomo tsa atomo le ntho e nngwe le e nngwe esele, empa di ke ke tsa kgona ho e etsa. [Moena Branham o kokota ha mmalwa



sefaleng—Mong.] Ba ke ke ba e etsa pele Bajuda ba fuwa ketelo ya kolobetso ya Moya o Halalelang. Lengeloi le itse, “E thibeleng, re be re tiise bahlanka,” e seng Monyaduwa. Baditjhaba ha eso be bahlanka le ka mohla; rona re bara le baradi. Bao ke bahlanka, Bajuda. Abrahamama e ne e le mohlanka wa Modimo. Allelua! Jwale, Bajuda ba dikete atisa ka dikete atisa ka dikete. Modimo o ile wa thatafatsa pelo ya Faro, ho ba kgannela Palestina. Modimo wa thatafatsa pelo ya Hitlelara, pelo ya Mussolini, pelo ya Stalin. O kganna ka sheshe, ho kena Palestina, a sa tsebe seo a se etsang, a ntse a sebeletsa hantle matsohong a Modimo.

<sup>278</sup> Bao ba dikete tse lekgolo le mashome a mane a metso e mene ba tla ema mono. Mme ka le leng la matsatsi ana, moporofeta ya Mokgethwa, ya halalelang, ya tlotsitsweng wa Modimo o tla fihla mono ka dipontsho le meeka. Bajuda bao ba tla re, “Ke sona seo ke se batlang.” [Moena Branham o kokota hane sefaleng—Mong.] E, monghadi. Mme Modimo o tla kolobetsa Bajuda ba dikete tse kgolo le mashome a mane a metso e mene.

<sup>279</sup> Mme Tlhwibilo e tla fihla; mongwaha wa Baditjhaba o tla fela. Bomo ya atomo e tla qhoma mme e nke lefatshe. Mme Kereke ya Baditjhaba e tla hlwibilelwa hodimo, ho ema ka pela Sefahleho sa Modimo. “Bana ke bomang ba nyolohang mahlomoleng a maholo? Ba hlatswitse diaparo tsa bona Mading a Konyana. Ba leng ka pela Modimo, ba se na sekodi.” Amen.

<sup>280</sup> Letshwao la sebata, selekane; dikereke, boKatolike, tsohle di tlamahane mmoho, di kena tshenyehong. Masalla, Monyaduwa wa Moya o Halalelang.

<sup>281</sup> Mme batho kajeno ba iqabolang ka ho bua ka dipuo, ba iqabolang ka phodiso ya Kgalalelo, ba iqabolang ka boporofeta, ba iqabolang ka ponahatso ya Moya; mme ke wona moya o busitseng Bajuda bao morao mona, ba nyefotseng Moya o Halalelang morao mono, mme ba shwela tlasa kahlolo e Kgethehileng. Dinaha tse Kopaneng tsena di habile kahlolo e Kgethehileng, tlasa Matla a Moya o Halalelang. Ba ahlotse, mme ba tshebile, mme ba lelekile, le ho re bitsa “bahalaledi ba thethehang” le tsohle. Empa hora e fihlile, mohla Modimo a tla tsholla kahlolo ya Hae e Kgethehileng. Amen.

<sup>282</sup> Itokiseng. [Sekgeo lebanteng—Mong.]...? ...Sebaka se nnotshi se leng teng se bolokehileng kajeno se ka ho Krete Jesu. Modimo a le hlohonolofatse. Ha o se ka hare, hatella hofihlela o kene. “Ba leng ka ho Krete Jesu Modimo o tla ba hlahisa le Yena ho Kgutleng labobedi.”

<sup>283</sup> Ka ntle ho tiiso ya Modimo, e leng kolobetso ya Moya o Halalelang, setlamo sa bokwenhi ke letshwao la sebata. Hoo ke HO RIALO MORENA. Le bona seo ke se bolelang? Empa

baruti bana ba tletseng borapedi ba leka ho e maneha hodima bokomonisi, athe ha ba eellwe hore e sebetse hara bona hantle. O itse, “E tla ba baetapele ba difofu ba tsamaisang difofu.” O itse, “Ba tla ba le mahlo, empa ha ba bone.” Ho re, “Lona, le meetlong ya lona, le bolela dithuto tsa batho, le etsa melao ya batho, le etsa melao ya Modimo ntho ya mafeela.”

<sup>284</sup> Le ye le iqabole ka Katolike ha e radile katekisisma ya bona, mme banna ba lona ba ye ba tlohe ba nyolohele hodimo mona sebokeng sa mofuta kapa nthong e nngwe, mme ba etse qeto hore ba ka amohela phodiso ya Kgalalelo, kapa kolobetso ya Moya, le dintho tsena. Mme ba E ahlola ba E hana. Mme le tsheha Katolike. Ha le na tokelo ya ho tsheha Katolike. Hobane, ha eba e ne e le “SEOTSWA,” Bibehe e itse lona le “DIHLOLA,” setlamong se le seng.

<sup>285</sup> “Tswang ho yona, setjhaba sa Ka! Le ikgethe,” ho bolela Modimo, “mme Ke tla le amohela ho Nna.” Ke hantle.

<sup>286</sup> Oh, hobaneng Tabernakele ena ya Branham e ke ke ya tswa hara leswebe lena la rona? Ke batla ho tseba ho lona batho ba mona hore le dumela Evangedi ena na. Mme esale E rerwa, mme le E bone, dipontsho le meeka, mme tsa thasisetswa. Le tsohle tseo Morena a di boletseng, di etsahetse. Jwale ebe, molato keng mona, ha ke utlwa hobane dikgang di teng hara lona, ha ke utlwa hobane kgohlano e teng? Ke batla le ngole bothata ba lona, se pelong tsa lona, le ho e bea kalaneng ena ya sefala, hosane bosiu. [Moena Branham o kokotile hammalwa sefaleng—Mong.]

<sup>287</sup> Ke batla ho bona hobaneng kereke ena e ke ke ya haptjwa ke Matla a Modimo, le kolobetso ya Moya o Halalelang, ka mehlolo le meeka. Molato ke ofe? Modisa wa lona o a E dumela. Le a E dumela. Ka baka leo, phoso ke efe mona? Phoso e teng. Ena e loketse ho ba ntlolesedi ya lefatshe. Sebaka sena eka kgona e be moo Matla a Modimo, le ho bokolla le ho lla, le ho batla Modimo, ho tlamehileng ho bo ho etsahala, motsheare le bosiu. Hobaneng re ke ke ra e fumana?

<sup>288</sup> “Ke ratile, empa le hanne,” Jesu o itsalo. “Le hanne. Tloong le ithekele ho Nna.”

<sup>289</sup> “Kea tseba le re,” O itse, “wena o ‘morui, ha o hloke letho,’” o bua le dikereke. Ho re, “O re, ‘Ke morui, mme ha ke hloke letho. Re mokgatlo o moholwanyane.’ Mme ha o tsebe, empa o madimabe, o mofutsana, o soto, o sefofu, le feela, mme ha o tsebe.” Ha motho a fela a le maemong ao mme a e tseba, o tla ithusa. Empa, ha o le jwalo, “mme o sa e tsebe!” Mme Kreste o boletse dikereke tsa letsatsi lena di tla ba jwalo, mme di ke ke tsa e tseba.

<sup>290</sup> Ako tsipe motho wa hao wa moya, moratuwa, moena wa ka ya ratwang. Ako tsipe moya wa hao, kamoo ho no ho le kateng, ka thapelo, mme o re, “Morena Jesu, ntekole. A nke ke itekole

bosiu bona, pele ke ya robala, mme ke fumane bothata ba ka. Esale ke ipolela dilemo, mme ha ke bone dintho tseo Jesu a di buileng. Hore O tla ba le nna, mme dintho tsena di tla etsahala, ha ke e bone. Molato keng, Morena Jesu?”

<sup>291</sup> Ako tshepahale. Ako be mahlonoko. Theoha mme o bue le Yena, jwaloka moena sefahleho le sefahleho. O tla o senolela. O tla o bolella. Ho harola moya wa hao ka lehare, le ho o bea kantle mono. Ho re, “Morena Jesu, ha e nqosa lelapa leso, ha e nqosa bophelo ba ka, ha e nqosa mosebetsi wa ka, ha e nqosa setlamo sa ka, ha e nqosa seriti sa ka motseng, ke tla kgetha tsela ya ba mmalwa ba kgeswang ba Morena.”

<sup>292</sup> Jwale hopolang, Jesu o itse, “Monyako o patisane, le tsela e tshesane, mme ba tla e fumana ha ba bakae. Hobane tsela e yang ditimelong e hebehebe.” Milione o mong hape ka '54, “Monyako o yang timelong o phatlaletse, mme ba bangata ba kena ka wona.” Ke hantle. “Ya lahlehelwang ke bophelo ba hae ka baka la Ka o tla bo boloka. Ya ratang ntate, mme, kgaitsemi, moena, kapa letho, ho feta Nna, ha a lokelwe ke ho bitswa wa Ka. Ya beang letsoho mohomeng mme a qala a kgatha tema, esita le ho hetla morao, ha a lokelwe le ke nako eo.” Moena!

<sup>293</sup> Ka le leng la matsatsi ana, ho tla rerwa Evangedi ya ho qetela e tlotsitsweng ya Moya o Halalelang. Ka le leng la matsatsi ana, ho tla thunya sethunya sa ho qetela. Ka le leng la matsatsi ana, thoko ya ho qetela e tla binwa. Ka le leng la matsatsi ana, thapelo ya ho qetela e tla rapelwa. Ka le leng la matsatsi ana, menyako ya tabernakele e tla kwalwa kgetlo la ho qetela, Bible e tla kwalwa hodima sefala. Mme o tla ema ka pela Sefahleho sa Modimo, ho arabela seo o se utlwileng bosiu bona. Ho tla thweng he? Ho tla thweng he? Ha Buka e kgolo e phetlwa, ho tla thweng he? Mohla bosiu bona bo botswang, ho tla thweng? Oh, jwaloka ha thoko e bolela:

Ho tla thweng?

Ha Buka e kgolo e phetlwa, ho tla thweng?

Ha ba kgesitseng Mmoloki kajeno,

Ba botswa ho fana ka lebaka, ho tla thweng?

<sup>294</sup> Mosebetsi wa hao o kile wa o eta pele. Batswadi ba hao ba kile ba o eta pele. Mohlankana wa hao o kile a o eta pele. Kgarebe ya hao ya e kile ya o eta pele. Kereke ya hao e kile ya o eta pele.

Ho tla thweng? Ho tla thweng?

Ha Buka e kgolo e phetlwa, ho tla thweng?

Ha ba hanang Molaetsa wona bosiu bona,

Le tla . . . le botswa ho fana ka lebaka, ho tla thweng?

<sup>295</sup> O tla etsang ka yona? O tseba seo letshwao la sebata le leng sona. O tseba seo letshwao la Modimo le leng sona. Ho ho wena.

Modimo a le hlohonolofatse, re sa ema.

<sup>296</sup> Ya Hao, Ntate ya Mahodimong, mehauhelo ya Hao le mahlohonolo di ke di dule hodima batho. AMoya wa Hao o haole. Mme Moya wa Hao o Halalelang o budulele hodima batho bana, le ho ba fa, Morena, kolobetso ya Moya. Monna e mong le e mong le mosadi, moshanyana le ngwanana, ka mona, ba ke ba hapuwe hakana bosiuong bona, ke Moya o Halalelang, hoo ba tla re, “Modimo, nkamohe tsohle tsa ka. Nka sohle seo ke leng sona. Empa, a nke ke sebeletse Wena, Morena wa ka. Ke tla suthisa ntho e nngwe le e nngwe. Ke tla tela bonna. Ke tla tela boikakaso. Ke tla tela kereke. Ke tla tela ntho e nngwe le e nngwe.”

<sup>297</sup> Hase hore ba tla lokela ho tswa kerekeng ya bona, Morena, empa ba tlamehile ho tswa maemong ao ba phelang ho wona. Oho Modimo, kgutlisetsa maMethodise kerekeng tsa bona, ba tuka, ho rera Evangedi; kgutlisa maBaptise, kgutlisa maCampbellite, kgutlisa maKatolike. Morena Modimo, romela motho ya tswang Tabernakele ya Branham mona, ho kgutlela tabernakeleng mona, ka moya o bonolo, o mosa, ya tla tloha mme a bue, le ho rata, le ho leka ho kgutlisetsa batho kutlwanong hape, hore Moya o Halalelang o tle o kene le ho sebedisa batho. Romela dipontsho tse kgolo le meeka. Tlotsa modumedi e mong le e mong. Tshwarela sebe se seng le se seng.

<sup>298</sup> Oho Modimo, re bona ho hlaha dipontsho. Re bona sefate sa feiga se hlhisa menoko ya sona. Rea tseba hobane nako e haufi. Re bona bomo eo e robetse mono matsohong a yena monna eo O mmoletseng a filwe ho senya lefatshe.

<sup>299</sup> Oho Modimo, re ka e latola halelele jwang? Re ka kgona jwang? Athe, re utlwa Evangedi ya Hao e bokwang e letswa e hlakile, ho hlaka; ho utlwa Moya o Halalelang o etella pele; ho bona Moya o Halalelang o fana ka dipontsho le meeka; ho fodisa bakudi, ho tutubolla mahlo a fofetseng, ho buseletsa bophelo ba mofu; meeka e meholo le dipontsho; Evangedi e bolelwa ke ba sa balang, batho ba sa rutehang, ho rerwa tlasa Matla le ponahatso ya Moya o Halalelang; dipontsho le meeka di latela kereke. Ho sa setse eng!


<sup>300</sup> O itse, “Hola le tsebile Moshe, le ka be le tsebile letsatsi la Ka.” Alleluia! Ho a tshwana le kajeno, Morena. [Moena Branham o kokota hararo sefaleng.] Ba bona dipontsho tsa mefuta yohle, tsa dintwa le mathata, le ntho e nngwe le e nngwe. Ba ke ba phetle maqephe a Bibe le ya kgale e ratehang, le ho bona moo thupa e lekanyang dimaele e leng teng. Re pheletsong ya mongwaha.

<sup>301</sup> Oho Modimo, tsamaisa Moya wa Hao hodima batho bana. Mme ereha ba tloha mona, bosiuong bona, Moya o Halalelang o ke o tsamaye le bona.

<sup>302</sup> Mme hosane bosiu, Morena, ha re theohela memong e kgolo ena ya aletare eo re itokisetsang ho e epa, re rapela hore dialetare di tle di tlale tswete, diphaposi tsa thapelo di tlale.

<sup>303</sup> Mme, Sontaha hoseng, Morena, le Sontaha bosiu, re ke re kolobetse batho mona ho latela Lentswe la Modimo. Mme Moya o Halalelang o ke o tsholohela hodima metsi ao, le ho etsa mehlolo e meholo le meeka. Fana ka sena, Ntate.

<sup>304</sup> Hlohonolofatsa modisa wa rona ya ratehang mona. Hlohonolofatsa ditho. Hlohonolofatsa baeti ba monyako wa rona. Re ke re ye hae bosiu bona mme re nahanisise dintho tsena pelong ya rona; ho boya hosane bosiu, ka nyakallo, re jere mangata. Re kopa ka Lebitso la Jesu Krete. Amen.

<sup>305</sup> Morena Jesu Krete a hlohonolofatse e mong le e mong wa lona. Tsukutlanang ka matsoho. Boyang hosane bosiu, le fupere diqelo tsa lona le seo le se batlang, le ho e bea sefaleng. Modimo a ke a le tlotse ka mehla, ho ba le lona! Amen. 

*TIISO YA MODIMO* SST54-0514  
(The Seal Of God)

Molaetsa wona, ka Moena William Marrion Branham, o rerilwe sethatong ka Senyesemane ka Labohlano mantsiboya, Motsheanong 14, 1954, mane Tabernakeleng ya Branham, e Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2008 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)